

四庫全書

子部

欽定四庫全書

御定淵鑑類函卷一百十八

封爵部一

封爵總載

親戚封

封爵總載一

原杜氏通典曰昔黃帝旁行天下分建萬國至于唐虞
別為五等曰公侯伯子男則虞書所謂輯五瑞脩五玉
是其制也

五瑞即公侯伯子男之瑞圭璧也五玉亦五等諸侯所執之玉

夏與唐虞同

殷制天子之畿方千里公侯百里伯七十里子男五十

里不能五十里者不合于天子附于諸侯

鄭元云此地殷所因夏爵

三等凡四海之內九州州方千里州建百里之國三十

七十里之國六十五里之國百有二十凡二百一十

國名山大澤不以封其餘以為附庸閒田凡九州千七

百七十三國千里之外設方伯五國以為屬屬有長十

國為連連有帥三十國為卒卒有正二百一十國以為

州州有伯八州八伯五十六正百六十八帥三百三十

六長八伯各以其屬屬於天子之老二人分天下以為

左右曰二伯千里之內曰甸千里之外曰采 周制封

王者後凡有功之諸侯大者地方五百里侯四百里伯

三百里子二百里男百里

所因殷之諸侯亦為黜陟之其小者皆益之地為百里是

以周有爵尊而國小爵卑而國大者唯天子畿內不增

方千里曰王畿其外方五

百里曰侯服又其外方五百里曰甸服又其外方五百

里曰男服又其外方五百里曰采服又其外方五百里

曰衛服又其外方五百里曰蠻服又其外方五百里曰

夷服又其外方五百里曰鎮服又其外方五百里曰藩

服周之初列爵唯五公侯伯子男分土唯三公侯方百

里伯方七十里子男方五十里並因殷制至周公攝

政制禮作樂列爵分土凡諸侯世子世國大夫不世爵

皆五等公五百里云云使人以德爵以功謂縣內及列國諸侯為天子大夫者不世爵而世祿避賢未賜爵

視天子之元士以君其國列國及縣內之國秦制爵二十等

以賞功勞二十徹侯十九關內侯顏師古曰言有侯號而居京畿無國邑也

荀綽百官表注曰時六國未平將帥皆家關中故以為號劉昭曰關內侯無土寄食在所縣民租多少各有

戶數為限如淳釋曰列侯出關就國也但爵其身有家累者與之關內之邑食其租稅又有倫侯建成侯趙

亥昌武侯馮無擇是也但有封名而無食邑戰國之際秦項之間權設班寵有加賜邑君者蓋假其位號或空

受其爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君之類是也至漢尤多蓋在封爵之外別加美號也

漢興設爵二等曰王曰侯皇子而封為王者其實古諸侯也故謂之諸侯王王子弟封為侯者謂之諸侯羣臣異姓以功封者謂之徹侯大者不過萬家小者五六百戶以為差降古分土而無分民自漢始分民而諸王國皆連城數十踰於古制其諸侯功德優盛朝廷所敬異有賜特進者其位在三公下其次列位有功德天子命

為諸侯者謂之朝侯其位次九卿下皆平冕文衣侍祠

郊廟其稱侍祠侯者但侍祠而無朝位其非朝侯侍祠

而以下土小國或以肺腑宿親若公主子孫或奉先侯

墳墓在京師者亦隨時見會謂之隈諸侯凡諸侯王皆

金璽盭綬

古者印璽通名今則尊卑有別

掌治其國王常冠遠遊冠綬

五采而多朱自稱曰寡人敎曰令又令諸王得推恩封

子弟為列侯於是齊分為七趙分為六梁分為五淮南

分為三又令諸侯十月獻酎金不如法者國除其縣邑

皆別屬他郡千戶置家丞不欲者聽之作左官之律附

益之法自後諸侯王唯得衣食租稅至成帝綏和元年

省內史更令相治民

大司空何武奏罷內史相如太守中尉如都尉參職是後中尉爭權

與王相常不和

漢初論功封列侯者凡百四十有三人

蕭何外

戚與定天下侯者二人凡列侯金印紫綬大者食縣小

者食鄉亭得臣其所食吏民食邑者除租每戶一歲更

輸錢二百 後漢爵亦二等皇子封王其郡為國其列

侯雖鄧寇元勲所食不過四縣為侯國舊制列侯奉朝

請在長安者皆位次三公中興以來唯以功德賜位特進者次車騎將軍賜位朝侯次五校尉賜位侍祠侯次大夫其餘以肺腑及公主子孫或奉墳墓亦為限諸侯

明帝為四姓小侯開立學校置五經師

外戚樊氏郭氏陰氏馬氏諸子

弟立學號曰四姓小侯以非列侯故曰小侯禮記曰庶方小侯亦其義也諸王封者受茅土

歸以立社

胡廣曰諸侯受封皆受茅土歸立社稷本朝為宮室自有制度

罪侯歸國不

得臣吏民至獻帝建安初封曹操為費亭侯亭侯之制

自此始也二十年曹公始制名號侯至五大夫與舊列

侯關內侯凡六等以賞軍功 魏黃初三年初制封王

之庶子為鄉公嗣王庶子為鄉侯公之庶子為亭伯其

後定制凡國王公侯伯子男六等次縣侯次鄉侯次亭

侯次關內侯又置名號侯爵十八級關中侯爵十七級

皆金印紫綬關外侯爵十六級銅印龜紐墨綬五大夫

十五級銅印環紐亦墨綬自關內侯皆不食租虛封爵

自魏始 晉亦有王公侯伯子男六等之封

晉令有開國郡公縣

公郡侯縣侯伯子男及鄉亭武帝受禪之初秦始皇元年

封建子弟為王二十餘人以郡為國邑二萬戶為大國

置上中下三軍兵五千人邑萬戶為次國置上軍下軍

兵三千人邑五千戶為小國置一軍兵千五百人王不

之國宮於京師罷五等之制公侯邑萬戶以上為大國

五千以上為次國不滿五千戶為小國初雖有封國而

王公皆在京師咸寧三年詔徙諸王公皆歸國

時楊珉荀勗以

齊王攸有時名懼惠帝有後難乃追故司空裴秀立封建之旨遂詔王公悉令歸國中尉領其兵

平原汝南琅邪扶風齊為大國梁趙樂安燕安平義陽

為次國其餘為小國皆制所近縣益滿萬戶又為郡公
制度如小國王中尉領兵郡侯如不滿五千戶王置一
軍千一百人亦中尉領之於時唯特增魯國公戶邑追
進封故司空博陵公王沈為郡公鉅平侯羊祜為南城
郡侯又南宮王丞隨王萬各於泰始中封為縣王邑千
戶至是改正縣王增邑為三千戶制度如郡侯亦置一
軍自此非皇子不得為王而諸王之支庶皆皇家之近
屬至親亦各以土推恩承其大國次國始封王之支子

為公承封王之支子為侯繼承封王之支子為伯小國
五千戶始封王之支子及始封公侯之支子皆為男非
此皆不得封其公之制度如五千戶國侯之制度如不
滿五千戶國亦置一軍千人中尉領之伯子男以下各
有差而不置軍大國始封之孫罷下軍曾孫又罷上軍
次國始封之孫亦罷下軍其餘付以一軍為常大國中
軍二千人上下軍各千五百人次國上軍二千人下軍
千人其未之國大國置守士百人次國八十人小國六

十人郡侯縣公亦如小國制度既行所增徙各如本奏
既遣就國而諸公皆戀京師涕泣而去及吳平後齊王攸遂之國 凡名山大澤不以封

鹽鐵金銀銅錫始平之竹園別都宮室園囿皆不為屬

國其仕在天朝者與之國同諸入作卿士而其世子年

已壯者皆遣莅國其王公侯以下茅社符璽車旗命服

一如秦始故事凡王金印龜紐練朱綬遠遊三梁冠絳

紗朝服佩山元玉

開國郡公縣公金章卑朱紱綬郡侯青朱綬同進賢三梁冠絳朝服佩山

元玉開國縣侯伯子男金章朱墨綬冠玉亦同 初武帝踐阼封宣帝孫永為東

莞郡王始置二卿侯以下置官屬隨國大小無定制諸侯並三分食一 東晉元帝大興元年始制九分食一

元帝以西陽王義屬尊元會特為設林明帝以義王室元老特為之拜

宋氏一用晉制

凡王子為侯者食邑皆千戶諸王世子皆金印紫綬進賢兩梁冠佩山元玉初江夏王義恭為孝武所忌憂懼故奏革諸侯廳事不得南向坐國官正冬不得跣登國殿及夾侍障扇不得雉尾劍不得鹿盧形但馬不得過二諸侯常行車前後不得過六隊

白直夾轂不在其限

刀不得過

銀銅為飾諸王子繼體為王者婚葬吉凶悉依諸國公侯之禮不得同皇弟皇子

至孝建中凡國官屬不得稱臣於其主改稱下官

齊封爵史闕梁封爵亦如晉宋之制諸王皆假金獸

符第一至第十九諸公侯皆假銅獸符竹使符第一至

第五名山大澤不以封鹽鐵金銀銅鐵錫及竹園別都

宮室園囿皆不以屬國諸王言曰令境內稱之曰殿下

公侯封郡縣者言曰教境內稱之曰第下自第下稱皆

曰寡人相以下公文上事皆詣典書世子主國其文書

表疏儀式如臣而不稱臣文書下郡官皆言告諸王公
侯國官皆稱臣上於天朝皆稱陪臣有所陳皆曰上疏
其公文曰言事 陳置九等郡有王嗣王藩王開國郡
縣公開國縣侯開國縣伯開國縣子開國縣男沐食侯
鄉亭侯關內侯關外侯凡十二等鄱陽王之封也遣度
支尚書蕭睿持節兼太宰告於太廟五嶽尚書王質持
節兼太宰告於太社凡親王起家則為侍中若將軍方
得有佐吏無將軍則無府止有國官皇太子子冢嫡者

封王依諸王起家餘子並封公起家中書郎諸王子並

諸侯代子起家給事

王公子起家員外散騎侍郎令僕子起家秘書郎若員滿亦為板法

曹雖高半階資給秘書郎下次令僕子起家著作佐郎亦為板行參軍此外若有諸州主簿太學博士國常侍奉朝請嗣王府參軍並起家官未令發詔後魏有王開國郡公散公侯散

侯伯散伯子散子男散男凡十二等道武皇始元年始

封五等至天錫元年減五等之爵始分為四曰王公侯

子除伯男之號皇子及異姓元功上勲者封王皇族及

始藩王皆降為公諸公降為侯侯子亦以此為差於是

封王者七十人公者二十二人侯者七十九人子者百
有三人王封大郡公封小郡侯封大縣子封小縣其後
復加伯男焉北齊有王公侯伯子男六等之爵王位
列大司馬上非親王則在三公下封內之調盡以入臺
三分食一公以下四分食一後周制封爵郡縣亦有
公侯伯子男五等爵者皆加開國授柱國大將軍開府
儀同者並加使持節大都督隋開皇中制國王郡王
國公郡公縣公侯伯子男凡九等

樊子蓋進爵封為濟
公言其功濟天下特

為立名無
此郡國
至煬帝唯留王公侯三等餘並廢之皇伯叔

昆弟皇子是為親王 唐有國王郡王國公郡公開國
郡公縣公開國侯伯子凡九等高祖初受禪以天下未
定廣封宗室從弟及姪年始孩童者數十人皆封為郡
王太宗即位謂侍臣曰徧封宗子於天下便乎尚書右
僕射封德彝對曰不便歷觀往古封王者今日最多兩
漢以降唯封帝子及親兄弟若宗室疎遠者非有大功
如周之郇滕漢之賈澤並不得濫叨名器所以別親疎

也先朝敦睦九族一切封王爵命既崇多給力役蓋以天下為私殊非至公馭物之道也太宗然之於是率以屬疎降爵唯有功者數人得王餘並封縣公貞觀十一年六月詔荆王元景等二十一王為諸州都督刺史咸令子孫代代承襲非有大故無或黜免其後並不願行乃止後定制皇兄弟皇子為王皆封國之親王

龍朔二年制諸

王子嫡者封郡王任職從四品下敘其衆子封郡公從五品上敘貞觀中王珪奏曰三品以上遇親王於塗皆降乘違法申敬有乖儀准太宗曰卿皆自尊而卑吾子乎魏徵曰自古迄今親王班次三公之下今三品皆天

子列卿及八座之長為王降
乘非王所宜當也詔從之

太子男封郡王其庶姓卿

士功業特盛者亦封郡王

自至德元年至大歷三年封異姓為王者凡百一十二人

其次封國公其次有郡縣開國公侯伯子男之號亦九

等並無官土其加實封者則食其封分食諸郡以租調

給

自武德至天寶實封者百餘家自至德二年至大歷三年食實封者三百六十五家凡食四萬四千八百

六十開元四年三月制諸封國自始封至曾孫者其封

戶三分減一十年凡諸王以下所食封邑皆以課戶充

州縣與國官邑官共執文帳准其戶數收其租調均為

三分其一入官其二入國公所食邑則全給焉二十年
五月敕諸食邑實封並以三丁為限不須一分入官其
物仍令封隨庸調送入京 增文獻通考曰封爵之差
唐制王食邑五千戶郡王國公三千戶開國郡公二千
戶縣公千五百戶伯七百戶子五百戶男三百戶又有
食實封者給縑帛每賜爵遞加一級唐末及五代始有
特加邑戶而罷實封之給又去縣公之名封侯以郡宋
朝沿其制文臣少卿監以上內職崇班以上有封爵丞

相學士刺史大將軍諸司使以上有實封但以增邑數
為差不繫爵級邑過其爵則并進爵焉止於開國郡公
每加食邑自千戶至二百戶實封自六百戶至百戶皆
六等親王重臣或特加有踰千戶者郡公食邑有累加至萬餘者實封至
數千者又於王爵之上有國王及西平南平之號皆非常典所加凡加食邑宰相千戶

實封四百戶餘降麻官七百戶實封三百戶直學士以
上五百戶實封二百戶舍人待制散尚書至少卿監以
上實封一百戶食邑三百戶封縣開國男五百戶封子

七百戶封伯千戶封郡侯二千戶封公千五百戶以上

始加實封惟將相食邑萬戶即開國亦或謙而不就者

宋仁宗慶曆七年郊惟夏竦滿萬戶中書請封英國公

因詔使相未滿萬戶皆得封皇屬有特封郡公縣公或

贈侯者無開國字

侯無開國字在開國郡公之上

開寶以來伐國降主

及外臣叛命赦不誅者亦封侯皆因名以著罪焉

開寶四年

劉鋹封恩赦侯九年李煜封違命侯淳化五年趙保中封宥罪侯

又采秦制賜民爵曰

公士其王公以下封國之名舊有大次小三等以為進

封之次然或封拜又有權升次小者為大國者

淳化五年九月

詔升壽為大國列於晉之下燕之上咸平六年八月故
充王追封安王升安為大國景德二年八月故雍王追
封鄆王乃升鄆為大國大中祥符七年五月故舒王追
封曹王乃升曹為大國乾興元年三月追封鄧申冀三
大長公主並
升為大國 景祐中詔春秋秦漢以來及皇朝所封舊

名分別大次小三等以為定制焉太祖時詔晉王

太齊宗

王美武功郡王

德昭

朝會班宰相上太宗太平興國八年

詔自今宰相序立宜在親王上宰相宋琪李昉等頓首

言漢法丞相在諸侯王下請入舊制不許 自燕王薨

祖宗之後未有封以王爵者慶厯四年以富弼建議遂次第封拜封德文東平郡王濮王汝南允弼北海允良華原郡王從藹英國公從煦安國公宗說祁國公宗保建安郡公宗達恩平郡公守望清源郡公辛巳詔德文等十人並列本班之上少前 卮言曰宋祖之取天下易於反掌而獨運籌策削平僭偽當時佐命諸臣如石守信高懷德皆一時推戴之誠耳其參謀密勿勘定四方者不過趙普曹彬潘美數人非有蕭曹良平之奇房

杜魏徵之識韓彭英衛之勞也而藩鎮之歸附者皆因
其本爵授之故封典闕焉其後惟崇文事不尚武功雖
以李繼隆狄青之勲未有封爵而文臣至於宰執則無
不封國公者矣漢法非軍功不侯而宰相封侯者班史
列之恩澤傳蓋彼以分封為重此以名器為重古今異
變不可以槩論也 又曰遼之封爵惟有國王郡王國
公三等郡名率以漆水柳城混同蘭陵亦如宋高密建
安之類國名則屢進屢改有加至二國者其初宗室與

勲戚無異道宗太康五年十一月詔惟王子封一字王

餘並削降蓋虛崇爵號大略如宋制而食邑戶數亦不

可考矣

遼之外戚多以功封非盡由恩澤也

續文獻通考曰金熙宗天

眷元年十月始定封國制其制屬於吏部凡封王大國

號二十曰恒

明昌二年以漢遼唐宋梁殷楚類皆昔有天下之號不宜封臣下遂皆改之

邵

舊為

汴

舊為秦

鎬

舊為秦

并

舊為漢

益

舊為漢

梁

秦

秦

并

益

并

趙

越

殷

郢

舊為楚

魯

冀

豫

絳

舊為唐

楚

魯

冀

豫

絳

充

鄂

舊為吳

楚

魯

冀

豫

絳

夔

舊為蜀

宛

楚

魯

冀

豫

絳

夔

宛

曹

次國三十曰涇

舊為隋

鄭衛韓潞幽瀋岐代澤徐滕薛紀

昇舊為原

邢翼豐畢鄧鄆霍蔡瀛

按金格葛當在此

沂荆榮英壽

溫小國三十曰濮遂

舊為濟

道定景

後改為鄒

申崇宿息莒鄴

邵舒淄郕萊

舊為宋以避諱改之

鄖郟杞向管

舊為郕興定元年改

密胙任

載鞏將

士民須知曰舊為葛

蕭莘芮封王之郡號十金源廣平平

原南陽常山太原平陽東平安定延安封公主之縣號

三十樂安清平蓬萊滎陽棲霞壽光靈仙壽陽鍾秀惠

和永寧慶雲靜樂福山隆平德平文安福昌順安樂壽

靜安靈壽大寧聞喜秀容宜芳真寧嘉祥金鄉華原其

封爵正從品級高下正從一品曰郡王曰國公正從二品曰郡公正從三品曰郡侯正從四品曰郡伯正五品曰縣子從五品曰縣男凡食邑封王者萬戶實封一千戶郡王五千戶實封五百戶國公三千戶實封三百戶郡公二千戶實封二百戶郡侯一千戶實封一百戶郡伯七百戶縣子五百戶縣男三百戶皆無實封 又曰元宗室駙馬通稱諸王歲賜之頒分地之大所以盡夫展親之義者亦優且渥然初制簡朴位號無稱惟視印

章以為輕重厥後遂有國邑之名而印章之等猶前日也 又元制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐有止用銀印龜紐等級不同如此又同姓有無國邑而稱王者但曰宗王 元初以親王分封西北其地極遠去京師數萬里以故其地莫得而詳如寧肅王托克托者太祖長子卓沁太子之第五子也不載何時封王而見之表中托克托薨弟伊濟貝嗣至元二年遣使表求分地歲賜

以賑給軍站京師元無所領至大元年伊濟貝薨子嘉
剌巴嗣其位下舊賜平陽晉州永州分地歲賦中統鈔
二千四百定自至元己卯歲始給之 明洪武三年詔

立長子標為皇太子封第二子樸為秦王次桐晉王棣
燕王橚吳王楨楚王椿齊王梓潭王杞趙王檀魯王姪
孫守謙靖江王皆授以冊寶設置相傅官屬及諸禮儀
八年定諸王宗人祿米每歲親王五萬石靖江王二萬
石郡王六千石郡王諸子年十五人賜田六十頃為永

業除其租九年定王府官制又定諸王及公主歲供之

等十七年更定冊寶親王俱授以金冊金寶王妃止授

金冊不用寶皇太子之次嫡子並庶子年十歲皆封郡

王授以塗金銀冊銀印親王嫡長子年十歲立為王世

子授以塗金銀冊銀印次子及庶子年十歲皆封郡王

冊印亦如之郡王次子授鎮國次孫輔國次曾孫奉國

皆將軍凡三等次元孫鎮國次五世孫輔國次六世孫

奉國皆中尉凡三等親王女曰郡主郡王女曰縣主孫

女曰郡君曾孫女曰縣君元孫女曰鄉君凡五等靖江王府視郡王降一等

封爵總載二

原周易曰我有好爵吾與爾靡之 又曰利建侯 尚書曰爵罔及惡德惟其賢 周禮曰諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方百

里其食者四之一 又曰王作六瑞以等邦國公執桓

圭侯執信圭伯執躬圭子執穀璧男執蒲璧 又曰典

命掌諸侯之五儀諸臣之五等之命上公九命其國家

宮室車旗衣服禮儀皆以九為節侯伯七命其國家宮

室車旗衣服禮儀皆以七為節子男五命其國家宮室

車旗衣服禮儀皆以五為節 左傳曰齊莊公為勇爵

殖綽郭最欲與焉州綽曰東閭之役臣左驂迫還於門

中識其枚數其可以與乎公曰子為晉君也對曰臣為

隸新 逸周書曰能移於衆與百姓同謂之公 又曰

能樹名生物與天道俱謂之侯 又曰齊衆時作謂之

伯 白虎通曰景風至爵有德封有功 又曰受命之

王致太平之美羣臣上下之功故盡封之及中興征伐

大功皆封盛德之士亦封之以德封者必試之為附庸

三年有功因而封之五十里元士有功者亦為附庸也

其位大夫有功成封五十里卿成封七十里公成封百

里 又曰王者即位先封賢者憂民之急也故列土分

疆非為諸侯張官設府非為卿大夫皆為民也 孝經
援神契曰侯侯也所以守蕃也 孟子曰有天爵有人
爵仁義忠信樂善不倦此天爵也公卿大夫此人爵也
古之人脩其天爵而人爵從之今之人脩其天爵以要
人爵既得人爵而棄天爵則惑之甚者也 呂氏春秋
曰太公望封於齊周公旦封於魯二君者甚相善也相
謂曰何以治國太公望曰尊賢上功周公曰親親上恩
太公曰魯自此削矣周公曰魯雖削有齊者亦必非呂

氏也其後齊日以大至於霸二十四世而田氏有齊國
魯日以削至於僅四十四世亡管子曰爵不尊祿不
重者不與圖難犯危以其道為未可以求之也是故先
王制軒冕足以著貴賤不求其美設爵祿足以守其服
不求其親使君子食於道小人食於力淮南子曰爵
祿者人臣之銜轡也袁子曰今有卿相之才居三公
之位脩其政治以寧國家未必封侯也今軍政之法斬
一牙門將者封侯夫斬一將之功孰與安寧天下者乎

夫斬一將之功者封侯失封賞之意也 商君書曰明

王之所貴唯爵爵賞不榮其民不急列爵不顯則民不
事爵易得則民不貴祿賞不道則民不以死爭位也

又曰凡人主之所以勸民者官爵也國之所以興者農
戰也今民求官爵皆不農戰而以功言虛道此謂勞民
者其國必削 鹽鐵論曰昔太公封營丘之墟辟草萊
而居焉地薄人少於是通利末之道極女工之功是以
鄰國交於齊財蓄貨殖世為彊國管仲相桓公襲先君

業輕重之變南服疆楚而霸諸侯 史記曰殷以前尚

矣周封五等公侯伯子男然封伯禽康叔於魯衛地各
四百親親之義褒有德也太公兼五侯地尊勤勞也

又曰騶忌見威王王說之三月而受相印淳于髡見之
曰善說哉髡有愚志願陳諸前髡說畢趨出至門而面
其僕曰是人者吾與之微言五其應我若響之應聲是
必封不久矣 漢書曰李廣與望氣王朔語曰漢擊匈奴
廣未嘗不在其中而諸侯校尉以下材能不及中人

以軍功取侯者數十人廣不為後人然終無尺寸功以
得封邑者何也豈吾相不當侯耶朔曰將軍自念豈嘗
有所恨者乎廣曰吾為隴西太守羌嘗反吾誘降八百
餘人詐而同日殺之至今恨獨此耳朔曰禍莫大於殺
已降此乃將軍所以不得侯也 漢官儀曰皇后父兄
率為特進侯朝會位次三公故章帝啓馬太后曰漢興
舅氏之封侯猶皇子之為王其功臣四姓為朝侯侍祠
侯皆在卿校下 漢雜事曰天子太社以五色為壇封

諸侯者取其土苴以白茅授之各以所封方之色以立社於其國故謂之受茅土漢興唯皇子封為王者得茅土其他臣以戶賦租入為節不受茅土不立社東觀漢記曰上封功臣皆為列侯大國四縣餘各有差博士丁恭等議曰古帝王封諸侯不過百里故利以建侯取法於雷強榦弱枝所以為治也今封諸侯四縣不合法制上曰古之亡國皆以無道未嘗聞功臣地多而滅亡者乃遣謁者即授印綬又曰馮勤使典諸侯封事勤

差量功次輕重國土遠近地勢豐薄不相踰越莫不厭服焉自是封爵之制非勤不定 後漢書曰張安世自昭帝時封為富平侯傳國至八代孫吉無嗣國除經歷篡亂二百年間未嘗譴黜封者莫與為比 百官表注

曰五等諸公周官金章朱綬朱質四采元文織百四十首廣尺四寸長一丈六尺朝服進賢三梁冠官品第二地方七十五里位視三公班次邑三千八百戶國秩絹千八百匹妾六人車前司馬十四人旅賁五十人 又

曰縣侯漢官也自縣侯而下通號列侯金章紫綬朝服
進賢三梁冠官品第三光武中興論功封大功臣吳漢
鄧禹各四縣賈復朱浮三縣耿弇等二十九人 又曰
縣侯有家丞庶子之官列侯皆亦如之 漢官解詁曰

列侯本為徹侯避武帝諱曰通侯舊時文書或爵通侯
是也後更曰列侯今俗人或都言諸侯乃王爾非此也
列侯歸國不受茅土不立宮室各隨貧富裁別庶以守
其寵 環濟要略曰爵有五等公者無私也故文背公

為公 又曰伯把也把持政事也 又曰子猶孳孳恤

下之稱也 又曰男任也任治政事受王命為君也

諡法曰執應八方曰侯 相書曰天中容半印封侯

又曰天中正白如刀者封侯 增曹冏封建論曰割裂

州國分王子弟封三代之後報功臣之勞士有常居民

有定主枝葉相扶首尾為用 賈誼曰夫欲天下之治

安莫若衆建諸侯而少其力 劉向諫成帝曰臣聞公

族者國之枝葉枝葉不茂則本根無所托庇 令狐德

桀曰分命賢戚布於内外料其輕重間以親疎首尾相

持遠近為用使其勢位足以扶危權力不能為亂事業

既定僥倖自息 唐太宗曰不井田不封建不足以法

三代之治 唐劉秩曰古者公侯受封之地雖多而制

祿不過十倍其卿成國不過半天子之軍名山大澤不

以封必賜弓矢然後征必賜珪瓚然後鬯有巡狩有述

職有慶有讓 又曰封建者古帝之所以建萬世之長

策必以三代之公心行三代之良法乃可不則非君上

之利非百姓之利並非受封者之利也 歐陽脩曰救

土崩之難莫若建諸侯削尾大之勢莫若置守宰 又

曰封建湯武之不得已也 柳宗元曰封建更古聖王

而莫能去之蓋非不欲去之也勢不可也勢之來其生

人之初乎不初無以有封建封建非聖人意也 胡寅

曰封建與天下共其利天道之公也 吳萊曰井田小

封建也封建大井田也 馬端臨曰必有公天下之心

然後能行封建無則莫若郡縣 又曰秦漢以來所謂

列侯者非但食其邑入而已可以臣吏民可以布政令
若關內侯則惟以虛名食廩祿而已景武而後始令諸
侯王不得治民不過食其所封之邑入况列侯乎 又
曰至東都始有未與國邑先賜美名例如靈壽王征羌
侯之類明帝有四姓小侯乃樊鄩陰馬外戚子弟也又
肅宗賜東平王蒼列侯印十九枚令王子年五歲以上
者皆帶之 山堂肆考曰易稱建萬國親諸侯蓋親賢
兼封也 又曰漢諸侯王表漢興之初海內新定同姓

寡少懲亡秦孤立之敗於是剖裂疆土立二等之爵功
臣侯者百有餘邑尊王子弟大啓九國諸侯比境周匝
三垂天子自有三河凡十五郡公主郡侯俱邑其中而
藩國之大者跨州兼郡連城數十宗室百官同制京師
可謂矯枉過其正矣 呂覽曰神農封建彌近彌大彌
遠彌小海上乃有十里之邦 蘇軾曰傳稱武王克商
兄弟之國者十有五人姬姓之國者四十人爵五品而
土三等蓋千八百國周室既衰轉相吞并春秋之世見

於經傳者總一百二十四國

封爵總裁三

原建德

策勲

天子建德注德有德諸侯建善則治

制域

連城

禮周

凡建邦國以土圭土其地而制其域融辭封曰子頑鈍不可連城廣土詳遜讓封

後漢竇

賜履

執圭

賜我先君履注所踐履之界也公執桓圭詳前二

正封

就國

天子建國

諸侯正封封疆有定也逆旅人曰客寢甚安殆非就國也

史尚父封齊就國道宿行遲時難得易失太公聞

遂夜衣而行比至果萊人來伐爭營丘

藩屏

夾輔

左傳封建親戚以藩屏周夾輔周

室

建置

懷柔

又子產云建置豐氏又周之有懿德也猶曰莫若兄弟故封建之其懷

柔天下也猶
懼有外侮

陪敦

昵近

陪多敦厚
昵親也

疏爵

高爵

漢書疏爵貴之

漢高
詔公乘已上皆高爵也

啓爾宇

圖爾居

詩大啓爾
宇又我

圖爾居莫如南
土封申伯也

告后土

私湯沐

周禮大宗伯王大
封則先告后土

漢高時大饑自天子至封君其湯沐
邑各為私奉養不領於天下之經費

封都鄉

封不

義

史闕澤字德潤以儒學勤勞封都鄉侯
彭寵蒼頭子密殺寵詣闕封不義侯

桐圭之戲

鵲印之封

成王戲剪桐葉為圭封唐叔
詳後親戚封中下張顥事

賑膳之禮

帶礪之誓

周禮以賑膳之禮親兄弟之
國下詳後國及苗裔注

世及之祚

國除之典

立子孫也
制有罪者國除

封以土地

錫之山川

周禮典瑞土圭以致四時日月封國以土地注度地封諸侯以土圭測日景觀分寸長短制其域也下毛詩

列爵惟五分土惟三周禮五等諸侯也諸親

疎並建功德有加宗無雜居禮有十有五人

三十六郡武王克商建兄弟之國十有五人史丞相

子功臣重賞賜之甚易制天下無異意安寧之術也置諸侯是樹兵本也始皇曰廷尉議是遂分天下為三十

六郡不削而弱當刑而王主父偃欲削諸侯權請推

弱燕布少時人相曰當刑天誘歸國地足容人

蒯瞶歸國使告於王曰天誘其衷獲嗣守封焉同姓

異姓

益地削地

周禮同姓以封異姓以封禮諸侯有功則益地取閒田以益之有罪則

削地削地歸之閒田

降虜悉封

渡遼擅封

景帝欲封降虜王徐盧等五人丞相

亞夫議不可帝悉封

後漢梁慄為渡遼將軍擅封單于兄塗奴為羌侯授以印綬坐專擅抵罪也

不

得專封

惟乃服命

穀梁城楚丘封衛非天子不得專封雖通其仁義而不與故曰仁不

勝道

疇其爵邑

脩其禮物

疇者算邑不復減也

不合於天子

庸建於上公

不合於天子附於諸侯曰附庸注以國附於大國不能自以行其道也下尚

書

曲阜方七百里

樂鄉多四百頃

禮成王以周公

是以封周公於曲阜之地方七百里革車千乘漢匡衡字稚圭為丞相封僮之樂安鄉郡國誤分界多四百

頃衡後封臨淮郡之國遣人之國遺人之僅收田租穀九千石司隸劾衡專地盜土以自益免為庶人

有分

土無分民

出六竒益六邑

地理志分民謂計若干戶下陳平事

建

立子孫

藩屏社稷

漢書高皇

錫以土田

命之車服

建邦啓土

裂地開國

史

義先立愛

仁不遺親

建賢立德

錫壤開封

綏麟趾之族

廣犬牙之封

厚骨肉之恩

重山河之誓

宗子維城之固

本

枝磐石之安

齊胙太師永表東海

晉登侯伯大啓

南陽

太公文公也

分茅錫土地列犬牙

疏爵建侯位崇

龍頤

龍頤定遠並封侯

周建懿親五等列爵 漢封異姓八

國皆王

高祖定天下功臣封八國諸侯王也

周室將遷必依晉鄭之國

漢家保定亦因齊楚之功 五等開封周乃寵諸兄

弟 七王建國漢則祚及子孫 增分土而開者九國

當高祖之初 同日而立者三王在孝武之世 沛公

矜嚴 東平智惠 周位卿士以同姓 唐列宗室於

輔臣 授桐賾緒 訓梓垂芳 稟潤天潢 承暉日

觀 雅道貴於東平 文藝高於北海 楚詩蚤習

沛易先通 齊衡兩獻 比迹二南 周公族多聯三

司 唐台司亦用九人 旦奭兼師保之任 勉石稱

宰輔之賢

以上俱
玉海

謹文王安否之問敢怠帥行 書

唐宗仁孝之詩仰祈札賜 姬姓作蕃未成人而賜履

漢宗受社方在祿以錫封 世祖推恩長安立六子

之宅 明皇廣愛華清建百孫之居 將以鼓鐘對峙

黃麾之仗 授以璽紱交輝青輅之旂 貴爵名城寵

冠公侯之上 高牙大旆榮兼將相之崇 深根固本

以扶不拔之基 强榦弱枝以闡無窮之祚 丕衍洪

圖 茂膺顯冊 烈祖文孫 皇枝帝載 任事而爵

論功以封 有光帝載 昭宣廟謨 命以圭社

崇其禮物 列爵以旌德 胙土以報功 視儀數於

三台 超爵名於五等 河間禮樂 江夏忠勤

封爵總載四

原爵以馭貴

周禮太宰職云一曰爵以馭其貴也

爵以辨貴

禮記中庸篇云序爵

所以辨貴賤也

以賢制爵

周禮司徒職云以賢制爵則民慎德也

以德詔爵

司士

著德極才

白虎通云必封諸侯何重民之至也善惡比而易知故擇賢而封使治其

民以著其德極其才上以尊天子稱藩輔下以子養百姓施行其道

論功封爵

晉百官表注云

高祖定天下論功封爵一百三十有三人

懷萬邦

易王三錫命懷萬邦也

建萬國

易

建侯樹屏

書

開國承家

易

以蕃王室

書

蕃

衛天子

史記高祖功臣表序云書曰協和萬國遷于夏商或數千歲蓋周封八百幽厲之後見於春秋

尚書有唐虞之侯伯歷三代千有餘載自全以蕃衛天子豈非篤於仁義奉上法哉

取象剛柔

晉百官表注云王者之制公侯伯子男五等

取法於雷

詳前

國及苗裔

史記功臣表序云封爵之誓曰使黃河如帶泰山如礪國以永寧爰及苗裔案應劭注曰帶衣帶也礪砥石

也河當何時如衣帶山當何時
如砥石言如帶砥國乃絕耳

制始黃唐

見陸機論

立

爵五等

晉百官表注云周道興隆三聖制法立爵五等封國八百親親建國則周公宅魯康叔啟衛賢

賢表德則太公封齊也

制土三等

白虎通云制土地三等何因土地有高下中三等

剖符之封

析圭之爵

司馬相如喻巴蜀檄云夫邊郡之士觸白刃冒矢石人懷怒心

如報私讎故有剖符之封析圭而爵位為通侯居列東第

大侯萬家

史記高祖功臣表序云漢

興功臣受封者百有餘人天下初定故大城名都散亡戶口可得而數者十二三是以大侯不過萬家小者五

六百戶

地方百里

大小相維

萬國相維

功臣表云

五

等法五行

三等法三光

並白虎通

斬一將封侯

袁子詳前二

從無爵封侯

王榮爵論云後世賞人不由等級從無爵封為列侯也

名山大

澤不以封

白虎通曰不以封者與百姓共之不使一國獨專也山林之饒水泉之利千里相通所以

均有無
贍不足

巖險之邑不以封

魏書相國晉王奏

國為己土衆

皆我民

陸機云立五等則知國為己土衆皆我民

五命賜則七命賜國

周禮

大宗伯職曰以九儀之命正邦國之位一命受職再命受服三命受位四命受器五命賜則六命賜官七命賜

國八命作牧九命作伯案鄭注云則者法也出為子男元謂則地未成國之名

八命作牧

鄭注云謂侯伯有功德者加命得專征伐於諸侯

九命作伯

鄭注云上公有功德者如命為

二伯得征五侯九伯者

受明器於王室

左傳

錫介圭以作寶

詩嵩

高篇錫爾介圭以作爾寶介一尺二寸也

爵人於朝與士共之

白虎通云爵人於朝

者示不私人以官與衆共之義也

封侯於廟不自專也

又云封諸侯於廟者示不

自專也明法度皆祖之制也舉事必告焉

任事然後爵之

禮王制篇云任事然後爵之注

曰爵者謂正其秩次

稱人美則爵之

禮記

封諸侯以夏養賢也

又云封諸侯以夏何陽氣盛養故封諸侯盛養賢也封立人君陽德之盛者

繼世以立諸

侯象賢也

白虎通

金路九就同姓以封

周禮巾車職云掌公車之政令

辨其用與其旗物而等敘之以治其出入王之五路一曰玉路錫樊纓十有再就建太常十有二旂以祀二曰

金路鈞樊纓九就建大旂以賓同姓以封

象路七就異姓以封

又云象輅朱樊纓七

就建大赤以朝異姓以封

革路龍勒以封四衛

又云革路龍勒條纓五就建大白以

即戎以封四衛

木路鵠纓以封蕃國

又云木路前樊鵠纓建大麾以田以封蕃國

封爵總載五

原詔梁任昉初封功臣詔曰草昧權輿事深締構康俗成務義在庇民自非羣才並軌文武宣翼將何以啓茲景祚弘此帝圖或運籌帷帳經啓王業或攻城略野殉義忘生或腹心爪牙折衝禦侮忠勤茂德夷險一致並宜建國開宇蕃屏王室山河之誓永永無窮

原論後魏王粲爵論曰依律有奪爵之法此謂古者爵行之時民賜爵則喜奪爵則懼故可以奪賜而法也今爵事廢矣民不知爵者何也奪之民亦不懼賜之民亦不喜是空設文書而無用也今誠循爵則上下不失實而功勞者勸得古之道合漢之法以貨財為賞者不可供以復除為賞者租稅損減以爵為賞者民勸而費省故古人重爵也 晉陸機五等論曰五等之制始於黃唐郡縣之治創自秦漢得失成敗備在典謨是以其詳

可得而言夫先王知帝業至重天下至曠曠不可以偏
制重不可以獨任任重必於借力制曠終乎因人於是
乎立其封疆之典財其親疎之宜使萬國相維以成磐
石之固宗庶雜居而定維城之業知其為人不如厚己
利物不如圖身安上在於悅下為已在乎利人是以分
天下以厚樂而已得與之同憂饗天下以豐利而我得
與之共害故諸侯享食土之實萬國受世及之祚夫然
則南面之君各務其治世治足以敦風道衰足以禦暴

故彊毅之國不能擅一時之勢雄俊之士無所寄霸王
之志降及亡秦棄道任術懲周之失自矜其得尋斧始
於所庇制國昧於弱下國慶獨享其利主憂莫與共害
雖速亡趣亂不必一道顛沛之釁實由孤立是蓋思五
等之小怨忘經國之大德知陵夷之可患閭土崩之為
痛漢矯秦枉大啓侯王境土逾溢不遵舊典是以諸侯
阻其國家之富憑其士民之力勢足者反疾土狹者逆
遲六臣犯其弱網七子衝其漏網皇祖夷於黥徙西京

病於東帝是蓋過正之災而非建侯之累也

親戚封一

原毛詩曰乃命魯公俾侯于東錫之山川土田附庸

又曰奄有龜蒙遂荒大東至于海邦淮夷來同 左氏

傳曰王將以狄伐鄭富辰諫曰不可臣聞之太上以德

撫民其次親親以相及也昔周公弔二叔之不咸故封

親戚以蕃屏周管蔡郕霍魯衛毛聃邰雍曹滕畢原鄩

郇文之昭也邠晉應韓武之穆也凡蔣邢茅胙祭周公

之脩也 孟子曰象至不仁封諸有庠仁人之於弟也
不藏怒焉不宿怨焉親愛之而已矣親之欲其貴也愛
之欲其富也封之有庠者富貴之也身為天子弟為匹
夫可謂親愛之乎 帝王世紀曰成王元年周公為冢
宰攝政王生少未能治事故號曰孺子八年春正月朔
王始躬政事以周公為太師封伯禽於魯父子並命周
公拜於前魯公拜於後王以周公有勲勞於天下故加
魯以四等之土兼二十四附庸地方七百里 史記曰

成王與叔虞戲削桐葉為珪予虞曰以唐封汝史佚因
言請擇日立叔虞成王曰吾與之戲耳史佚曰天子無
戲言言則史書之禮成之樂歌之於是遂封叔虞於唐
漢書曰漢興之初尊王子弟大啓九國京師內史凡
十五郡公主列侯頗邑其中蕃國大者跨州兼郡連城
數十宮室百官同制京師諸呂之難賴於諸侯也 增
左傳僖二十四年召穆公思周德之不類故糾合宗族
於成周而作詩曰常棣之華鄂不韡韡凡今之人莫如

兄弟 周語五等之侯兩社之輔三等之采六遂之邑
有封畛土略以處之彝器分物以昭之祝宗上史以秩
之宗氏分族以聯之 左傳昭二十六年王子朝曰武
王成康並建母弟以蕃屏周亦曰吾無專享文武之功
二十八年成鱣曰昔武王克商光有天下其兄弟之
國者十有五人姬姓之國者四十人皆舉親也 定四
年子魚曰成王選建明德以蕃屏周 襄二十九年叔
侯曰虞虢焦滑霍揚韓魏皆姬姓也 隱六年我周之

東遷晉鄭焉依 僖五年宮之奇曰太伯虞仲太王之

昭也虢仲虢叔王季之穆也 周語宣王欲任國子之

能導訓諸侯者樊穆仲曰魯侯孝乃命魯孝公於夷宮

賈侍中云國子諸侯之嗣
子欲使訓導諸侯子也

荀子周公立七十一國姬

姓獨居五十三人周之子孫苟不狂惑者莫不為天下

之顯諸侯 史記表文武成康所封數百而同姓五十

三 賈誼傳高皇帝擇良日立諸子雒陽上東門之外

畢以為王而天下安

注顏師古曰諸侯國在
關東故於東門外立之

史記表

高祖子弟同姓為王者九國惟長沙異姓

注徐廣曰齊楚荆淮南燕

趙梁代淮陽荆絕乃封吳

唐世系表漢鑒秦務廣宗室世其土地

黃圖漢儀冊封諸王必於祖廟冊命之示不敢專也

漢書諸侯王表文帝采賈生之議分齊趙景帝用晁

錯之計削吳楚武帝施主父之策下推恩之令王子

侯表大哉聖祖之建業也後嗣承序以廣親親至於孝

武以諸侯王疆土過制或僭差失軌而子弟為匹夫輕

重不相準於是制詔御史諸侯王或欲推恩分子弟邑

者令各條上朕且臨定其號名自是支庶畢侯矣 主

父偃傳偃說上曰今諸侯子弟或十數而適嗣代立餘
雖骨肉無尺地之封則仁孝之道不宣願陛下令諸侯
得推恩子弟以地侯之使人人得所願上以德施實分
其國必稍自銷弱矣上從其計 史記三王世家制曰

康叔親屬有十而獨尊者褒有德也周公祭天子郊故
魯有白牡騂剛之牲羣公不毛賢不肖差也朕甚慕焉
又曰自吳楚後五宗王世漢為置二千石去丞相曰

相銀印諸侯獨得食租稅

注景帝子十三人為王而母五人同母者為一宗故曰五

宗

後漢書光武紀建武十五年初巴蜀既平大司馬

吳漢上書請封皇子不許重奏連歲乃詔諸臣議大司
空融等議曰古者封建諸侯以藩屏京師周封八百同
姓諸姬並為建國高祖聖德光啓天下封立兄弟諸子
不違舊章陛下興復宗統功臣宗室咸蒙封爵多受廣
地或連屬縣今皇子賴天能勝衣趨拜宜因盛夏吉時
定號位以廣藩輔 後漢書百官志注臣昭曰高祖謀

深慮久封建子弟蕃維盤固齊代淮楚皆為外重哀平之際劉氏徧於四海宗正著錄遂以萬數後漢循前規光武十子並列畿外近郡孝明八國不能開庇遠民國近則不可以大不大則不足為彊本支之援終以少固漢氏得之微猶能四百載魏氏失之甚不滿數十年晉世矯枉太過非簡賢之授無愚智之辨魏東阿王植上疏曰權之所在雖疏必重勢之所去雖親必輕蓋取齊者田族非呂宗也分晉者趙魏非姬姓也晉武

十三王傳泰始之受終也乃憲章往昔廣誓山河大開藩屏文昭武穆方駕於魯衛應韓磐石犬牙連衡於吳楚齊代唐膠東王傳唐始興務廣文蕃鎮天下封德彝曰漢所封惟帝子若親昆弟其屬遠非大功不王如周邠滕漢賈澤尚不得茅土所以別親疎也於是疏屬王者皆降為公唯嘗有功者不降贊曰天下已定帝與名臣蕭瑀等喟然講封建事欲與三代比隆而魏徵李百藥皆謂不然徵以民人始復生業遽起而瓜分之

故有五不可之說百藥舉春秋二百四十六年之禍亟
於哀平桓靈詆曹元首陸士衡之言以為謬悠天子由
是不復議至名儒劉秩目武氏之禍至謂郡縣可以小
寧不可以久安大抵與曹陸相上下而杜佑柳宗元深
探其本據古驗今而反覆焉

親戚封二

原王者始起封諸父昆弟

白虎通云王者始封諸父昆弟示與已共財之義故可以

共土也

天下太平乃封親屬

又云天下太平乃封親屬者示不私也

割

名都以建周親

後漢書章帝紀論云章帝割裂名都以崇周親

推私恩以分

子弟

史記王子侯表序云制詔御史諸侯王或欲推私恩分子弟邑者令各條上

並建母

弟

左傳曰召伯盈逐王朝奔楚使告於諸侯曰昔武王克殷成王靖四方康王息民並建母弟也

以

輔王室

史記諸侯年表曰武王成康所封數百而同姓五十五地上不過百里下三十里以輔衛王室

褒有德

又曰周封伯禽康叔於魯衛親親之義褒有德也

愛所愛

韓詩外傳云周

兼制天下立國七十二姬姓獨居五十五周之子孫苟不狂惑莫不為天下顯諸侯夫是之謂能愛其所愛矣

犬牙相制

漢文帝紀云高帝王子弟地犬牙相制所謂磐石之宗也

封域相近

晉起居注

承衛天子

史記天下初定骨肉同姓少故廣彊庶孽以鎮撫四海用承衛

天子

蕃輔京師

又史記諸侯年表曰吳楚時前後諸侯或以適削地名山坡海咸納於漢

諸侯稍微大國不過十餘城小侯不過數十里上足以奉貢職下足以供祭祀以蕃輔京師索隱曰適音宅或

作

淮南四子

漢淮南王傳云孝文八年憐淮南王王有子四人年七八歲乃封子安為阜陵

侯子勃為安陽侯子賜為陽周侯子良為東城侯

齊王七人

漢書文帝紀云四年封齊悼惠

王肥子七人為列侯

桓公封鄭

史記鄭世家曰鄭桓公友者周厲王少子而宣王庶弟也宣王

立二十二年友初封於鄭

周章君吳

又吳太伯世家云武王克殷求太伯仲雍之後得周章以

君吳因而封之

封之於畢

又魏世家云畢公高與周同姓武王封之於畢

封之韓

原

又韓世家云韓之先與周同姓其後苗裔事晉得封於韓原曰韓武子

悔者不信

說苑

云周成王與幼弟戲於地得葉以與弟曰以此封唐周公曰選日王曰戲耳不封也周公曰王者重言封人而悔者不信於是遂封之

粲然不殊

漢書宣帝詔曰蓋聞象有罪舜封之骨肉之親粲然不殊

其封故昌邑王賀為海昏侯如淳曰粲或作散殊或作誅案師古注曰粲明也殊絕也常明於仁恩不離絕也

封周公於曲阜

史記魯世家云封周公於少昊之墟曲阜

封康叔於河

淇

又衛世家云以武庚餘民封康叔為衛君於河淇間故商墟也

克庸祇德邦之於

蔡

書蔡仲命篇曰惟周公位冢宰羣叔流言乃致辟管叔於商因蔡叔於郭鄰蔡仲克庸祇德周公以為卿

士叔卒乃命諸王邦之於蔡也

建爾元子俾侯于魯

詩閟宮篇云王曰叔父建爾元

子俾侯于魯大啓爾宇為周室輔毛萇注王成王元子首子也叔父謂周公也封首子伯禽也

周公

宅魯康叔啓衛

晉百官表注云周道興隆三聖制法以懿親建國則周公宅魯云云

大

師維蕃宗子維城

詩

周公拜前魯公拜後

公羊傳曰世室者何

魯公之廟也周公稱太廟魯公稱世室羣公稱宮曷為謂之世室世世不毀也周公何以稱太廟於魯封魯公以為周公也周公拜乎前魯公拜乎後曰生以養周公死以為周公主然則周公之魯乎曰不之魯也封魯公以為周公主然則周公曷為不之魯欲天下之一乎周也

增虞舜封弟

孟子舜踐祚封其弟

象於有庠使吏治其國而納其貢稅焉

夏后封子

夏少康恐禹祭絕祀乃封其庶子於越號

曰無餘春秋祀禹墓於會稽

分以寶玉

周書武王乃昭德之致於異姓之邦無替厥服分寶

玉於伯叔之國時庸展親

親以賑膳

周禮春官以賑膳之禮親兄弟之國以慶賀之禮親異姓

之國

高祖誓盟

漢高祖刑白馬著盟誓曰非劉氏不王若有亡功非上所置而侯者天下共擊

之

元狩賜策

漢武帝元狩六年立皇子閎為齊王旦為燕王胥為廣陵王皆賜策各以國土

風俗申

益三郡

漢景帝二年諸王來朝有詔更前稱壽歌舞長沙定王但張袖少舉手左

戒焉

右笑其拙上怪問之對曰臣國小地狹不足迴旋帝乃以武陵零陵桂陽益焉

削三縣

漢武帝時

燕王旦自以次第當為太子上書求入宿衛上怒曰生子當置齊魯禮義之鄉乃置之燕果有爭後坐匿亡命

削三

定位號

謝政事

東漢光武建武十五年有上書請封皇子者詔羣臣議奏

縣

曰今皇子孫能勝衣趨拜宜定位號以廣藩輔制曰可吳王五子傳自光武以來諸王有制惟得宮內自娛

不得臨民

置之上座

漢書齊悼惠王肥孝惠二年來朝宴飲太后前帝以王為兄置

干預政事

之上座如家人之禮

優以大封

光武建武二十八年徙魯王興為北海王以魯益東海帝以東

海王彊去就有禮故優以大封食二十九縣賜虎賁旄頭設鐘簋之樂擬於乘輿

留侍國邸

漢成帝無嗣體常不平定陶共王來朝上謂曰我未有子一朝有他不復相見爾可留侍我因留國邸朝夕侍上甚見親重

止食數縣

東漢明帝永平中封皇子恭等六人為王帝親定其封域裁令半楚

淮陽馬后曰諸子止食數縣於制不以儉乎帝曰我子豈宜與先帝子等歲給二十萬足矣

十王

宅

百孫院

唐明皇諸子同為大宅分院而居開元十五年夏五月作十王宅百孫院每王院宮

人四百餘百孫院亦以三四十人禁中置維城庫以給諸王月俸宣宗大中間又作五王宅

武幹

得封

唐宗室道宗為靈州總管梁師都引突厥數萬圍之道宗乘間出擊大破之斥地千餘里唐主以道

宗武幹立為任城郡王

童孺亦王

唐高祖欲強宗室以鎮天下自三從昆弟以上雖童稚亦

封為王封德彝以為今封爵太廣恐非所以示天下至公乃降宗室郡王皆為縣公惟有功者不降

三

為太傅

後魏睢陽王頊大統中為太傅再為太師自古人臣未有此例

五拜太師

會要

宗親王拜太師者五人楚王元佐燕王儼吳王瀨燕王侯越王儼皆以父兄行而得之紹興中嗣秀王伯圭以宗室特為太師蓋以孝宗為親叔父用優禮也

語言如鐘

遼史蜀國王葉穆元祖子身長多力

語言如鐘三為德呼勒部額爾奇木年四十五卒追封

教民樹植

遼史隨國王實魯亦元祖子駢

脅多力賢而有智為約尼氏裕悅始教民種植桑麻重熙中追封

人稱長者

遼晉王阿魯威

天祚子初封晉王出繼大丞相耶律隆運後喜揚人善勸其不能中外稱為長者

才兼文武

金越王永功世子本名宗格又名廣孫沉默寡言笑勇健過人涉書史好法書名畫大定四年封鄭王歷進曹

冀魯鄂譙大安

聽造宮邸

元史秦王莽噶拉世祖弟三子至元九年封安西王

二年進越王

十年進秦王別賜金印其府在長安者為安西在六盤者為開成皆聽為宮邸

傳國子孫

元史

穆呼哩崆根果幹之第三子沉毅多智略善射與博爾濟等事太祖以忠勇稱太祖稱帝以穆呼哩為左萬戶

伐金滅之拜太師封魯國忠武王賜黃金印曰子孫傳國世世不絕

弱冠器重

元多爾濟穆呼

哩六世孫托克托子授集賢學士未及冠一時同寅諸老皆器重之後封遼陽王

不受食邑

托克

托字大用巴延姪至正中以賢相封鄭王食邑安豐辭不受

蜀秀才

蜀王椿太祖第十一子博綜典

籍容止都麗嘗開西堂延攬名士與李叔荆蘇伯衡等商推文史太祖呼為蜀秀才

明奇士

明寧

獻王權生而神姿秀朗白哲美鬚髯初自稱大明奇士
晚構精廬蒔花藝竹鼓琴著書其間又自號臞仙建生
墳維嶺之上
數往遊焉
新樂府
周憲王有煥勤學好古製誠齋
樂府傳奇若干種音律諧美李

夢陽汴中元宵絕句云中山孺子倚新妝趙女燕
姬總擅場齊唱憲王新樂府金梁橋外月如霜

賓

竹集

秦簡王嗣位後日賦一詩積三十年薨後妃
某氏命紀善強晟校刻其詩號賓竹小鳴集

河

間江夏之比

蜀自獻王椿四葉皆有文集行世昭王仁
厚好儒術孝宗嘗賜詩以河間禮樂江夏

忠勤
為比

淮南梁苑之風

趙康王嗜學博古文藻弘麗折
節愛賓客文酒讌游有淮南梁

苑之
風

親戚封三

原詔魏明帝詔曰古之帝王封建諸侯所以蕃屏王室也詩不云乎懷德維寧宗子維城秦漢繼周或強或弱俱失厥中大魏創業諸王開國隨時之宜未有定制非所以永為後法也其改封諸王皆以郡為國 梁任昉武帝追封永陽王詔曰亡兄德履沖粹識業深通徽聲善譽風流籍甚道長世短清塵緬邈感惟既往永慕慟心可追封永陽郡王 又追封丞相長沙王詔曰夫褒崇名器率由舊章光昭德祀永世作則亡兄道被如仁

功深微管懸諸日月久而彌新故能拯艱玉於已毀導
涸淵於將塞今理運惟新賢戚並建感惟永遠觸目崩
心可追封長沙郡王 又追封衡陽王桂陽王詔曰亡
弟暢風標秀特器體淹弘朱方之役盡勤王事策出無
方物惟不賞亡弟融業行清簡風度閒綽蚤優名輩夙
廣令聞朕應天紹命君臨萬宇祚啓邠滕感興魯衛事
往運來永懷傷切暢可追封衡陽郡王融可追封桂陽
郡王 又封臨川安興建安等三王詔曰神州帝城冠

冕列岳渚宮樊鄧形勝是歸居中作衛翼宣戎重隆茲
寵號寔允舊章並非親勿居惟賢是授宏朕之介弟早
富德譽董一番政緝是嘉庸國禮家情瞻寄隆重季風
穎雋邁識業標簡任居蕃翰政以化成偉體韻淹穆神
寓凝正經綸夷險參贊王業 陳徐陵始興王詔曰漢

祖天倫伯叔追封晉元世系瑯邪傳國仰惟二后重光
率由前典朕昔因蕃次蒙繼本宗分在要荒久離寒燠
天嘉紹祚別命皇枝歸自峻函禮隔登獻每至霜庭可

履矚垣寢而懷悲風樹鳴條望章陵而增感今嗣王乖
德獲罪慈訓永言主奠宜自朕躬但國步時艱皇基務
切復奉家業升纂帝圖重違情理言深哽慟可以第二
皇子升陵為始興王 增唐李嶠授建昌郡王攸寧冬
官尚書制曰事典職隆禮闡望切自非明德莫允具瞻
具官某道遵八元名高兩獻行兼為善學茂多才待問
七車屢聞獻替參司百揆多所弘益頃以牙璋首路羽
檄乘邊委以樽俎之謀藉其股肱之用而卑以自牧成

而不居固守鳴謙願離劇職重違雅志用成其美宜遷
九法之司回典百工之任 周世宗顯德四年追封皇
弟詔曰禮以緣情恩以悼往矧在友于之列尤鍾惻愴
之情故皇弟贈太尉侗贈司空信景運初起天年不登
俾余終鮮實動於懷侗可封太傅進封剡王信司徒杞
王 宋紹興元年封安定郡王世開詔曰太祖皇帝創
業垂統德被萬世神祖詔封子孫一人為安定郡王世
世勿絕今其封不舉朕甚憫之有司其上合封人名遵

故事施行 宋洪邁封太宗正東平郡王制曰周建國
以親諸侯用侈宗盟之慶漢置官而敘九族是司屬籍
之蕃睦時叔父之賢首我內朝之望博稽輿頌董正皇
支升之上將之壇賜以鉅邦之履飭宣丕號申詔治廷
具官某樂易而不流溫恭而有守河間學古入對三雍
之宮沛獻好文爰作五經之論齋襲神明之胄地依日
月之華大輅大旂傳鼎彝於故府法言法服蹈規矩於
先王 鄴疇進律之文顯陟承明之任德齒參邵魁然祭

酒之尊名實兩崇辰矣咸藩之冠載念齊家之要必嚴
糾族之權示以褒儀屬茲蕭艾用是由譙城之留務總
廊時之成師踐辟彊之班聯式彰清靜昨憲王之封域
用答勤勞合集寵光布章物采於戲問雞鳴之寢朕方
形立愛之風誦麟趾之詩爾尚輯惇宗之典若梓材之
來兄弟若葛藟之庇本根其追配於前人亦有辭於永
世 明洪武十六年封諸王詔曰朕荷天地百神之靈
祖宗之福起自布衣艱難創業惟時將帥用命遂致十

有六年混一四海功成治定以應正統考諸古昔帝王
既有天下子居嫡長者必正位儲貳若其衆子則皆分
茅胙土封以王爵蓋明長幼之分固內外之勢也朕今
有子十人前歲已立長子標為皇太子爰以今歲四月
分王諸子授以冊寶設置相傳官屬凡諸典禮已有定
制於戲衆建藩輔所以廣磐石之安大封土疆所以眷
親友之厚古今通誼朕何敢私尚賴中外臣鄰相與維
持弼成政化故茲詔示咸使聞知

原策漢武帝使御史大夫策諸子立閔為齊王曰於戲
小子閔受茲青社朕承祖考道惟稽古建爾國家封於
東土世為漢蕃輔於戲念哉共朕之詔惟命不於常人
之好德克明顯光義之不圖俾為君子無怠爾心允執
厥中 又立子旦為燕王曰小子旦受茲元社建爾國
家封於北土 又立子胥為廣陵王曰小子胥受茲赤
社建爾國家封於南土戰戰兢兢乃惠乃慎無同好佚
無邇小人

原章魏曹植改封陳王謝恩章曰臣既弊陋守國無效
自分削黜以彰衆誠不意天恩霽霈潤澤橫流猥蒙加
封茅土既優爵賞必重非臣虛淺所宜奉受非臣灰身
所能報塞又封二子為公謝恩章曰詔書封臣息男
苗為高陽鄉公志為穆鄉公臣伏自惟文無升堂廟算
之功武無摧鋒接刃之效天時運幸得生貴門遇以親
戚少荷光寵竊位列侯榮曜當世顧影慙形流汗反側
洪恩罔極雲雨增加既榮本榦枝葉並蒙苗志小豎既

頑且稚猥荷列爵並佩金紫施崇一門惠及父子 齊
謝朓為宣城公拜章曰惟天為大日星度其象謂地蓋
厚河岳宣其氣斯冕旒所以貞觀袞職所以代終慙下
穆而上尊豈南征而北怨何以克詠九歌載宣七德銘
彼旂常勒斯鐘鼎

原表魏曹植謝初封安鄉侯表曰臣抱罪即道憂惶恐
怖不知刑罪當所限齊陛下哀愍臣身不聽有司所執
待之過厚即日於延津受安鄉侯印綬受詔之日且懼

且悲懼於不脩始違憲法悲於不慎速此貶退上增陞

下垂念下遺太后見憂臣自知罪深責重受恩無量精

魂飛散忘軀殞命 又封鄆城王表曰臣愚駑垢穢才

質疵下過受陛下日月之恩不能摧身碎首以答陛下

厚德而狂悖發露始干天憲自分放棄抱罪終身苟貪

視息無復晷幸不悟聖恩爵以非望枯木生葉白骨更

肉非臣罪戾所當宜蒙俯仰慙惶五內戰悸奉詔之日

悲喜參至雖因拜章陳答聖恩下情未展 又轉封東

阿王謝表曰奉詔太皇太后念雍丘下濕少桑欲轉東
阿當合王意可遣人按行知可居不奉詔之日伏增悲
喜臣以無功虛受國恩爵尊祿厚用無益於時脂車秣
馬志在黜放不圖陛下天父之恩猥宣皇太后慈母之
念遷之陛下幸為久長計聖旨惻隱恩過天地臣在雍
丘劬勞五年左右罷怠居業向定園果萬株枝條始茂
私情區區實所重棄然桑田無業左右貧窮食裁餬口
形有裸露臣聞古之仁君必有棄國以為百姓况乃轉

居沃土人從蒙福江海所流無地不潤雲雨所加無物
不茂若陛下念臣入從五年之勤少見佐助此枯木生
華白骨更肉非臣之敢望也飢者易食寒者易衣臣之
謂矣 吳胡綜請立諸王表曰受命之主繫天而王建
化垂統為一代制雖禮有損益事有質文至於崇建懿
親列土封爵內蕃國朝外鎮天下古今同契其揆一也
周室之興寵秩子弟姬姓之國五十有五諸王子受國
者漸多光武中興四海擾攘衆諸制度未遍而九子受

國明章即位男則封王女為公主故詩曰既受帝祉施
於孫子陛下踐祚以來十有二載皇后無號公主無邑
臣下歎息遠近失望是以屢獻愚懷依據典禮庶請具
陳足寤聖心深辭固拒不蒙進納恐天下有識之士將
謂吳臣闇於禮制不知陛下謙以失之也加今迎夏盛
德在上大吳之慶於是乎始開國建號吉莫大焉惟陛
下割謙謙之德副兆民之望留臣祐許天下幸甚 晉
孫毓賀封諸侯王表曰臣聞軒轅二十五宗黃祚以繁

姬姓建國七十周過其歷故禦侮莫如同德伏惟陛下

聖哲欽明稽乾作則越五超三與靈協契天祚明德克

昌祚膺秦王楚王淮南王光濟碩美冠於羣后改建大

國分鎮方岳皇太子皇孫並啓土宇培敦潼索制弘往

代內輔皇幾外蕃九服羣生仰德向風懷義率土臣妾

莫不稱慶 梁任昉為蕭侍中拜襲封表曰詔書拜臣


襲封竟陵郡王臣以凡庸素乏才植皇朝尚德詔爵惟

賢遂復出脩職貢入頒卿士但有道之守海外重局蕃

籬近甸無勞擊柝仰閱舊章俯增私感報國承家豈云
萬一

原奏宋傅亮尚書八座封諸皇弟皇子奏曰臣聞懿親
廣樹聖主所先明德並建古之休典所以維城皇代磐
石帝基內衛畿服外綏四海者也第某皇弟皇子等神
姿穎哲大成俱茂地均魯衛德兼庸賢顯進徽號啓建
疆宇弘道作屏光翰邦家並可封郡王 謝莊為尚書
八座封皇子郡王奏曰臣聞桐圭睦親書河汾之策賜

帶懷賢敬東平之祚諒以訓經終始義洽垣墉第某皇
弟等器彩明敏令識穎悟並宜憲章前典光啓祚宇作
屏王室式雍帝載臣等參議可封郡王



御定淵鑑類函卷一百十八

欽定四庫全書

子部

御定淵鑑類函卷一百十九

二十

詳校官閣學士臣尹壯圖

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣張元功

欽定四庫全書

御定淵鑑類函卷一百十九

封爵部二

功臣封
功臣後

死王事子孫封

增弟封附

功臣封一

原周官曰司勲掌六鄉賞地之法以等其功王功曰勲
國功曰功事功曰勞治功曰力戰功曰多凡有功者銘
書於王之太常 增禮曰諸侯有功則益地 原史記
古者人臣功有五品以德立宗廟定社稷曰勲以言曰

勞用力曰功明其等曰伐積曰曰閱 增班固諸侯王

表序曰漢興之初海內新定同姓寡少懲亡秦孤立之

敗於是剖裂疆宇立二等之爵

大者王
小者侯

功臣侯者百餘

邑 山堂考索曰先王之封建選建明德茂啓崇勲是

故大功莫如齊則身兼五侯之地明德莫如魯則國侈

百里之封曹文之昭而為伯甸德薄者不以居尊位也

晉武之穆而列侯藩功大者不以殿小邦也蓋文武周

公封建之初心為褒表功德而設非徒曰大封同姓以

明親親而已 葉氏曰古者卿大夫有功德則出封為

諸侯是在外世爵者乃內之世祿臣也諸侯有功德亦
入為公卿是內之世祿者或在外之世爵諸侯也 徐

氏曰按漢世封侯皆以縣邑其後或以鄉亭皆視其所
食之邑而名之至於功名顯著則有特加美名者西都
信武冠軍富民博陸之類是也 文獻通考曰漢興設

爵二等王子封為侯者謂之諸侯羣臣異姓以功封者
謂之徹侯大者不過萬家小者五六百戶 又曰按諸

侯王與列侯皆世襲其所受之封爵自非有罪與無後則國不除此法漢以來未之有改也至唐則臣下之封公侯者始止其身而無以子襲封者又曰唐制庶姓卿士功業特盛者亦封郡王其次封國公其次有郡縣開國公侯伯子男之號亦九等並無官土其加實封者則食其封分食諸郡以租調給 事文類聚遺集曰宋朝稽漢非劉氏不王之制異姓唯后之祖父乃贈王爵佐命之臣獨趙普以元勳封韓王若曹彬封秦王潘美

封鄭王雖功亞忠獻終緣女若孫為后得之而故相未聞有贈王者中興以後如四大將之功韓世忠封蘄王張俊封循王皆賞功臣之最也續文獻通考曰明高皇帝無外家三尺之盾以故王爵廟貌雖極隆於揚徐而朱邸自功臣外無兩者若李隴西由尚主而擔爵然亦岐陽大勳所推本而成

功臣封二

原史記曰武王克紂太公之謀居多於是武王封尚父

於齊營丘成王少時管蔡作亂淮夷叛周乃使召康公
命太公東至海西至河南至穆陵北至無棣五侯九伯
實得征之齊由此征伐大於諸國 又曰召公奭與周
同姓武王之滅紂封召公於燕其在成王時自陝以西
召公主之自陝而東周公主之 又曰鬻熊事周文王
早卒當成王之時舉文武勤勞之嗣乃封其後熊繹於
楚 又曰晉獻公伐霍耿魏滅之因以魏封畢萬為大
夫卜偃曰畢萬之後必大萬盈數也魏大名也以是始

賞天啓之也 又曰陳完奔齊懿仲欲妻之卜之吉曰
是謂鳳皇于飛和鳴鏘鏘有媯之後將育于姜五世其
昌並於正卿八世之後莫之與京卒妻之完卒諡為敬
仲六世而至田常田常弑簡公立簡公弟為平公乃割
齊安平以東為己封邑始大于齊 增史記曰韓信平
齊使人言漢王曰齊偽詐多變不為假王以鎮之其勢
不定漢王罵曰大丈夫定諸侯即為真王耳何以假為
原漢書曰項羽曰吾聞漢購吾頭千金邑萬戶吾為

公得之乃自劉王翳取其頭楊喜呂馬童郎中呂勝楊武各得一體故分其地以封五人皆列侯 又曰漢五年尅項羽天下乃平始論功侯者百四十有三人時人民散亡大侯不過萬戶封爵之誓曰使黃河如帶泰山如礪於是申以丹書之信重以白馬之盟藏之宗廟副在有司 又曰陳平凡六出奇計輒益封凡六益邑

又曰高祖封項伯等四人為列侯賜姓劉氏 增漢書

曰莽何羅與弟重合侯通謀逆時霍光金日磾

音低

上官

桀等共誅之詔封金日磾為秬

丁固切

侯上官桀為安陽

侯光為博陸侯

又曰霍去病以校尉伐匈奴封冠軍

侯原東觀漢記曰三輔豪傑入長安攻未央宮庚戌

殺莽於漸臺東海公賓就得其首傳詣宛封滑侯又

封竇融曰融允執忠孝扶微救危率厲五郡積兵羌胡

畢至兵不血刃而鹵土崩瓦解功既大矣篤意分明斷

之不疑吾甚嘉之其以六安安豐陽泉蓼安風四縣封

融為安豐侯

又曰上謂耿

一作景

丹曰今關東故王國

雖數縣不過櫟陽萬戶邑夫富貴不歸故鄉如衣繡夜
行故以封卿爾 增天中記曰上封功臣皆為列侯大
國四縣餘各有差博士丁恭議曰古帝王封諸侯不過
百里故易建侯取法於雷上曰古之亡國皆以無道未
嘗聞功臣地多而滅也 原東觀漢記曰班超字仲升
定西域五十餘國乃封超為定遠侯 增文獻通考曰
建武十三年大享將士頒爵策勳功臣增邑更封凡三
百六十五人 原魏志曰曹真字子丹以功封邵陵侯

真少與宗人曹遵鄉人朱讚並事太祖早亡真愍之乞
分食邑封遵等子詔曰大司馬有叔向撫孤之仁篤晏
平久要之分聽分賜遵等子爵闕內侯及真薨明帝悉
封真五子皆列侯 又夏侯淵傳曰以功封都亭侯太
祖與淵嘗出關右所向無前賜淵子五人皆爵闕內侯
又曰太祖表封荀彧為萬歲亭侯太祖又與彧書曰
君之相匡弼君之相為舉人君之相與建計君之相密
謀亦已多矣夫功未必皆野戰也十二年復增邑合二

千戶 又曰太祖表封荀攸曰前後尅敵皆攸之謀也
於是封攸陵樹亭侯 又曰太祖自柳城還過攸舍稱
攸前後謨謀曰昔高祖使張子房自擇齊三萬戶今孤
亦欲君自擇所封 又曰郭嘉字奉孝冀州平封洧陽
亭侯及薨太祖表曰良策未決嘉輒成之平定天下謀
功為高宜增邑并前千戶 又曹休傳太祖曰此吾家
千里駒也錄前後功封東陽亭侯 又曰任峻字伯遠
為典農中郎大興屯田軍國致饒太祖以峻功高表封

都亭侯 又曰夏侯惇字元讓文帝追思惇功欲使子
孫畢侯分邑千戶賜惇七子二孫皆關內侯惇弟廉及
子楙素列侯 又曰朱靈字文博封郿侯文帝曰將軍
佐命先帝威過方召平生所志願勿難言靈謝曰高唐
夙所願乃更封高唐侯 增晉中興書曰孔愉字敬康
以討華軼功封餘不亭侯初愉少時嘗得一龜放於餘
不溪中流左顧者數及鑄侯印而龜左顧更鑄猶然印
工以聞愉悟遂佩焉 晉書曰符堅南寇桓伊與冠軍

將軍謝元輔國將軍謝琰俱破堅於淝水以功封永循侯 玉海曰裴寂傳武德九年太宗定功臣封戶自寂以下總四十三人 冊府元龜曰杜如晦字克明初義兵定關中太宗引為王府兵曹叅軍每從征伐軍國多務剖斷如流及隱太子將為變太宗召如晦等共為籌略社稷以寧以定策安宗廟功居第一封蔡國公 又曰房玄齡字喬年太宗以燉煌公徇渭北玄齡因杖策謁於軍門太宗一見如舊識署為記室叅軍玄齡既遇

知己罄竭心力拾遺補闕知無不為太宗入春宮以玄
齡為右庶子既踐祚封邢國公 文獻通考曰肅宗嘗
問於李鄴侯泌曰今郭子儀李光弼已為宰相若克兩
京平四海則無官以賞之奈何對曰古者官以任能爵
以酬功為今之計俟天下既平莫若疏爵土以賞功臣
則雖大國不過二三百里比今小郡豈難制哉於人臣
乃萬世之利也上曰善 山堂肆考曰宋太祖開寶中
潘美以行營諸軍都部署征嶺南既平拜山南東道節

欽定四庫全書

御定淵鑑類函

卷一百十九

度使復從曹彬平南唐以功拜宣徽北院使及征太原
討范陽封代國公改忠武節度使進韓國公 玉海曰
神宗元豐元年宰臣吳充等言唐德宗多難之際乃賜
奉天定難之號不應盛世猶襲陳跡於是罷功臣號紹
興六年復賜中興後加賜者三人而已韓世忠張浚劉光世此外
唯安南國王加功臣號 吾學編曰洪武三年冬大封
功臣上諭諸將曰今日定封行賞非出已私皆倣古先
帝王之典籌之二年以征討未暇故至今日思自起兵

以來諸將從朕披堅執銳以征討四方戰勝攻取其功
何可忘今天下既定用報以爵賞凡次第皆朕自定至
公無私如御史大夫湯和與朕同里結髮相從然嗜酒
妄殺不由法度趙庸從李文忠取應昌其功不細而乃
私其奴婢廢國法廖永忠戰鄱陽奮勇忘身然而使所
善儒士窺朕意向以邀封爵郭子興不奉主將之命不
守紀律雖有勞未足掩過此四人止封為侯平章文忠
總兵應昌逐前元太子遠遁沙漠此功最大御史大夫

鄧愈自幼相從屢更任使雖經摧挫口無怨言此二人
宜列公爵左丞相善長雖無汗馬之勞然事朕最久供
給軍食未嘗缺乏右丞相達與朕同鄉朕起兵時即從
征討勞勩居多此二人宜封大國以示嘉褒餘悉據功
定封遂班爵行賞封公六人侯二十八人 又曰中山
徐武寧王達從上起兵征吳破其城縛士誠送建康封
信國公定計取元都元主北走三年大封功臣進魏國
公 又曰開平常忠武王遇春乙未來歸乞前部先鋒

自效遂拔采石取太平漢攻南昌從上援南昌過彭蠡
湖連舟力戰殲友諒圍士誠士誠敗縛加授平章軍國
重事封鄂國公 又曰誠意伯劉基青田人上定括蒼
遣使聘遂詣金陵為上陳天命所在滅漢取吳收中原
公密謀居多三年加弘文館學士封誠意伯

功臣封三

原常全關中 永寧河右

漢書蕭何傳關內侯鄂千秋
進曰陛下雖數亡山東蕭何

常全關中以待陛下此萬世功也奈何欲以一旦之功
而加萬世功哉 魏志張既傳詔曰卿踰河歷險以勞

擊逸以寡勝衆功過南仲勤踰吉甫此勳非但破國乃永寧河右使吾無西顧之憂矣

益封霍

光 追思張賀

漢書霍光傳曰光與丞相敞奏立武帝曾孫病已是為孝宣皇帝明年下詔曰

大將軍光守節秉誼以安宗廟益封光萬七千戶與故所食凡二萬戶 又張安世傳曰安世兄賀為掖庭令

而宣帝以皇曾孫收養掖庭及曾孫壯大賀教詩書為取許妃及宣帝即位追思賀欲封其冢賀子早亡安世小男彭祖又小與上同席研書指欲封之故安世深辭賀封上曰吾自為掖庭令非為將軍也安世乃止遂下詔封賀弟子侍中關 蕭何發縱 張良決勝

漢書蕭何傳曰

上以何功最盛先封為鄭侯所食邑多功臣議之上曰夫獵追殺獸者狗也而發縱指示獸處者人也今諸君徒能走得獸耳功狗也至如蕭何發縱指示功人也又張良傳曰漢六年封功臣良未嘗有戰鬪功高帝曰

運籌策帷幄中決勝千里外

水草不乏 荒戎入貢

子房功也乃封良為留侯

漢書張騫傳曰騫以校尉從大將軍擊匈奴知水草處

軍得以不乏乃封騫博望侯 魏志徐邈傳曰西域流

通荒戎入貢皆邈功也

介子誅樓蘭 延壽使西域

封都亭侯邑三百戶

漢書傳介子傳介子謂大將軍霍光曰樓蘭龜茲數反

願往刺之遣介子齎金幣至樓蘭王隨介子入帳中屏

語壯士二人從後刺之持首詣闕封義陽侯食邑七百

戶 又甘延壽傳曰延壽為郎中諫大夫使西域都護

騎都尉與副校尉陳湯共

增封什方 食四縣 漢書

斬郅支單于封義成侯

封功臣二十餘人其餘日夜爭功未決未得行封上在

洛陽南宮從複道望見諸將往往相與坐沙中語上曰

此何語留侯曰此謀反耳曰為之奈何留侯曰今急封

雍齒以示羣臣於是上置酒封雍齒為什方侯皆曰雍

齒且侯吾屬無患矣文獻通考曰建武二年悉封諸功臣為列侯梁侯鄧禹廣平侯吳漢皆食四縣餘各有

差得保宗廟信重天下東觀漢記曰文帝詔曰方大臣誅諸呂迎朕朕狐疑

皆止朕唯中尉宋昌勸朕朕已得保宗廟其封昌為壯武侯魏志曰太祖見賈詡執手曰使我信重於天下

者子也表為執金吾封都亭侯行封定賞旌善念功唐書劉幽求傳景雲二年

拜侍中璽詔曰幽求翊贊聖儲震殄元惡雖昨以土宇而賦入未廣昔西漢行封更擇多戶東京定賞復增大

邑宜加賜實封二百戶會要曰武德九年詔曰褒賢

昭德昔王令典旌善念功有國彝訓無忌等或夙叅謀

謨網繆帷幄或早從任使契闊戎麾無忌齊勸改旗

元齡邢敬德吳如晦萊君集潞邑各三千戶

勸改旗

幟請樹城郭

冊府元龜曰劉文靜隋末為晉陽令察高祖有四方之志深自結托高祖開大

將軍府以文靜為軍司馬勸改旗幟以彰義舉高祖從之封魯國公續文獻通考曰韓延徽幽州人為劉守

光聘於遼述律后知其賢太祖立命參軍事請樹城郭分市里以居漢人之降者太宗朝封魯國公預

計義兵

載昌大業

冊府元龜曰裴寂字元真高祖與之有舊預計義兵京師平進爵魏

國公又曰肅宗至德二年詔郭子儀才光三傑功格十臣克灼皇威載昌大業進封代國公

仍加

蟬冕

榮列貂冠

冊府元龜曰後唐明宗天成四年制王晏球運子房之籌略興仲奭之源

流俾濬鳳池仍加蟬冕詳見後制詞又曰制趙德鈞洞曉蕃情飽諳邊事是命寵頒鳳綵榮列貂冠詳見後

詩文 頌班帝制

榮啓國封

六一

金券玉冊

虎符

龍節

表忠觀碑

袞衣繡裳既極公台之貴

金印盭綬肇

開王社之封

光奉制書

峻膺寵數

俄奉璽書

驟加井賦

仍增勲秩

倍行戶封

陪敦邑采

增

衍井腴

同上

功臣封四

原將率為諸侯

禮樂記云武王克殷將率之士使為諸侯

破徐賜趙城

史記

趙世家云初趙氏之先與秦同祖造父事周穆王攻徐破之乃賜以趙城

救周賜岐西

秦

本紀云西戎犬戎與申侯伐周殺幽王秦襄公將兵救周戰甚力有功周避犬戎難東徙雒邑襄公以兵送周平王平王封襄公為諸侯賜之岐西之地襄公於是始國與諸侯通

入臨淄取祭器

史記

樂毅傳破齊攻入臨淄盡取齊寶物祭器輸之燕燕昭王大悅親至濟上勞軍行賞享士封樂毅於昌國號為昌國君云

增南面稱孤

漢書云高祖定天下功臣異姓王者八國咸得裂土南面稱孤

原衛青封三侯

漢書衛青傳帝曰大將軍青躬率戎士師大捷獲匈奴王十有餘人宜封三子

侯青固謝曰臣幸待罪行間賴陛下神靈軍大捷皆諸校力戰之功也陛下幸以益封臣青臣青子在襁褓中未有勤勞上幸裂地封為三侯非臣待罪行間所以勸士力戰之意也上曰我非忘諸校功也今固且圖之

登天山取蘭成

魏志張遼傳曰遼為邊寇將軍太祖論諸將功曰登天山履峻險以取蘭

成邊寇功也

張遼合肥之役

又張遼傳文帝詔曰合肥之役遼以步卒八百破賊十萬

自古用兵未之有也其封遼邑百戶賜子一人爵關內侯

于禁洧水之難

又于禁傳太祖

謂禁曰清水之難吾甚急也將軍在亂能整討暴堅壘有不可動之節雖古名將何以加之於是錄禁前後功

封益壽

孫資封本縣

又曰先是孫資歷縣令以軍功封本縣也

增指河

亭侯

為誓

玉海蘇安常傳曰唐家指河為誓非李氏不王非功臣不封

觀太宗曰非常

人也

冊府元龜云劉文靜為晉陽令察高祖有四方之志深自結托又觀太宗曰非常人也略定新安已

西之地封

不私其親

唐書太宗第功班賞房元齡等功第一將軍丘師利等皆跋扈

魯國公

攘袂見淮南王神通愧屈乃曰陛下不私其親

本為百姓

文獻通考曰唐高祖廣封宗室以威

天下太宗即位曰朕理天下本為百姓非勞百姓以養己之親也於是有功者王餘並封縣公

張說

褚無量輔導有功

冊府元龜曰唐元宗先天二年以中書令張說國子監祭酒褚無量輔導

有功說封燕國公
無量封舒國公

功臣封五

增詩唐杜甫投贈哥舒開府翰詩曰今代麒麟閣何人
第一功君王自神武駕馭必英雄開府當朝傑論兵邁
古風先鋒百勝在略地兩隅空青海無傳箭天山早挂
弓廉頗仍走敵魏絳已和戎每惜河湟棄新兼節制通
知謀垂睿想出入冠諸公日月低秦樹乾坤遠漢宮
人愁逐北宛馬又從東受命邊沙遠歸來御席同軒墀

曾寵鶴畋獵舊非熊茅土加名數山河誓始終策行遺

戰伐契合動昭融陳陶投贈羅中丞詩曰三捷楷模

光典策一生封爵笑丹青韓愈聞晉公自蔡州入覲

詩曰南伐旋師太華東天書夜到冊元功將軍舊壓三

司貴相國新兼五等崇王維少年行曰漢家君臣歡

宴終高議雲臺論戰功天子臨軒賜侯印將軍佩出明

光宮劉禹錫平蔡行曰九衢車馬渾渾流使臣來獻

淮西囚四鼻聞風皆失據天子受賀登高樓妖童擢髮

不足數血污城西一抔土南峰無火楚澤間夜行不鑠
穆陵關策勲禮畢天下泰猛士按劒看恒山 明何景
明諸將入朝詩曰闕下千官侍鳳樓苑中天子建龍旂
豹房虎圈先班賞武帳前邊賜姓侯

原詔後漢獻帝詔曰勅鎮東將軍領兗州牧費亭侯故
特進顯授上將鉞鉞之任復食舊土雙金之寵董統一
州委成之重榮曜昭示亦以優崇投節効命自首之秋
也 又詔書拜鎮東將軍襲費亭侯曹操業履忠貞輔

幹王室頃遭凶暴海內離析操執義討截黃巾為國出
命夫祿以賞功罰以黜否今以操為鎮東將軍領兗州
牧襲父費亭侯嵩爵并印綬符策 魏文帝冊孫權太
子登為東中郎封侯詔曰蓋河洛寫天意符讖述聖心
昭晰著明與天談也故易曰河出圖洛出書聖人則之
孫將軍歸心國朝忠亮之節同功佐命而其子當為魏
將軍著在圖讖猶漢光武受命李氏為輔王梁孫咸並
見符緯也斯乃皇天啓佑大魏永令孫氏仍世為佐其

以登為東中郎將封縣侯萬戶昔周嘉公旦祚流七脣
漢禮蕭何一門十侯今孫將軍亦當如斯若夫長平之
榮安豐之寵方斯蔑如 增梁沈約封三舍人詔曰沈
微孚王咺之裴長穆並以素胄清才服勤禁省契闊劬
勞自頃多難軍國務殷內叅帷幄外濟師旅忠規款志
義感朕心宜錫茅社同蒞賞用可封三百戶開國縣伯
原陳徐陵進武帝為長城公詔曰德懋懋官功懋懋
賞皇王盛則所謂元龜司空公南徐州刺史長城縣開

國侯諱志懷寅亮風度弘遠體文經武明允篤誠曩者
率五嶺之彊兵誅四海之讎敵固以勒功彝鼎書勲太
常克定京師勤勞自重自鎮撫枌榆永寧豐沛東涼既
息北蔡無歸代馬燕犀氣雄天下裹糧坐甲固敵是求
方欲大討於秦嶠敦脩於與睦叶謀上相爰納朕躬思
所以敬答忠勲用申朝典可進爵為長城縣公 增唐
肅宗乾元詔曰命將之選當仁實難非夫文可經邦不
能安人和衆武可禦暴罔以克敵成功允藉宏才爰申

錫命司徒中書令上柱國代國公子儀河嶽間氣巖廊
重寶寬而有謀用而無滯遂能克復二京折衝千里時
乃之功今殄寇未寧興師頗廣鎮守經制已有處分而
籌畫指麾必資專制將軍辭第無以家為丞相憂邊思
平國難固以訐謨之用宜申總統之威其將勘定外虞
澄清列郡光膺藩屏之寄式崇社稷之勲對揚休命以
永終譽可封汾陽郡王 肅宗至德二年詔曰乘興幸
蜀人心且搖臣節斯見李光弼全德挺生英才間出干

城禦侮坐甲安邊可追封鄭國公

增制唐李嶠封右武威衛將軍沙吒忠義邨國公制曰
三韓舊族九種名家夙奉戎麾遂叅文衛昔臨鴈塞能
羈縛馬之妖今拒狼河更剪奔鯨之孽勤功允著誠効
克宣宜酬矢石之勞用廣山河之賦可封邨國公食邑
三千戶 蘇頲封郭虔瓘潞國公兼食邑實封制曰聞
鼓鞀之聲則思夫將帥列土茅之賦則念彼勲庸郭虔
瓘忠勇超倫智謀絕等往者鎮於荒裔獨守孤城煮弩

而其人益堅引弓而彼衆不敵故得愛子染鐔名王解
辮穹廬掃地而將空沙漠聞風以歸附功則茂矣朕實
體之宜誓山河開其井邑可進封潞國公食邑三千戶
仍賜實封一百戶 韓儀授王鎔常山郡王羅宏信長
沙郡王劉仁恭彭城郡王制曰王鎔夙紹弓箕丕承堂
構襲重侯之積慶允武允文奉先王之成規克勤克儉
剛簡而無傲虐栗直而務溫寬羅宏信將星瑞彩卿月
祥光常竭力於公門每推心於王室保大有九三之盛

任重而不危守中孚六四之貞致遠而不泥劉仁恭氣
薄雲天義形霜雪祕元符於腹笥機術無儔運黃略於
意筌弛張有度居然侯度屹若國楨而皆道邁殷賢名
齊漢傑洞達總戎之要翦起扶輪精通育物之源龔黃
拜手犬牙而理人心以寧屏蔽一隅繚長城於翰海藩
垣中夏布橫落於天田疇咨協恭奮揚熙載或尊此冀
土成阜安於大名或宅彼幽都共綏懷於有北駢闐勲
緒照灼簡書勉竭乃誠各膺休命 代宗寶應二年制

曰副元帥李光弼元勲濟代公輔推賢自出征移鎮距海負河連率百城旌旗千里東郊誓衆雅繼魯侯之功北伐擁旌首稱漢將之略高牙罷設重鼎斯調尤知武庫之寶實在雲臺之右 後唐明宗天成四年制曰朕

嘗披國史備閱軍功裴度之破淮西無遺廟算石雄之攻山北益展皇威莫不仰遺烈于祖宗委全才於將相而自中山逆命外域朋姦奮戎旅以鷹揚屠賊城而魚爛夕聞告捷明賞殊勲上柱國琅邪郡開國侯王晏球

長劔倚天洪河帶地居萬夫之長擅三傑之名自統雄
師往收逆壘摧曲陽之堅陣厭滏水以驚波爰築室以
反耕攻圍雉堞果析骸而易子傾發烏巢招降之士庶
數千撲滅之凶狂非一諒茲丕績宜降優恩乃眷汾陽
實惟巨鎮據犬牙之內地當馬頰之要津是命酬以勲
庸福其黎庶進國公之品秩崇藩侯之等威俾濬鳳池
仍加蟬冕 宋王珪除文彥博守司空依前樞密使加
食邑實封制曰朕若稽先王維御羣品左謀金鉉之老

以經治於廟堂右屬鴻樞之良以定策於帷幄厥有成

績可勿褒乎具官某風力肅明器資恢傑臨至劇有轉

圜之易定大謀如執玉之堅逮事神文之朝已緝熙於

鼎路追言聖考之遇又密勿於機廷肆涼昧之丕承會

精神於羣慮雖兵民之異本亦文武之交修未隆贊冊

之恩曷懋圖庸之舉元程鉅夫丞相布琳濟達封河

南王制曰布琳濟達智明識遠心廣氣和勲名克篤于

前人藩翰久勤於外服昔將平於內難朕大投艱方深

計於中途卿獨決進志存弼亮身佩安危是用命汝襲
諸侯王以長守於富貴歸丞相印以自養於壽齡既不
遠於京師可以時而朝覲 王構平章史弼封鄂國公
制曰史弼器博而用周志剛而行敏早由禁籞出總戎
行視長江如履平地居然獲跳盪之功撫疲黎猶保稚
嬰允矣著綏懷之效始自淮襄之百戰迄於嶺海之同
風顧宣力獨多推誠弗替終始三朝之眷賜環屢壓於
宸班優遊六藝之文綏帶雅稱於儒將是宜賁之華綬

行以真封以酬既往之勞以示維新之渥於戲功臣圖
象秩盍冠於褒公元老壯猷忠尚資於方叔益圖報稱
祇服訓言

原表宋謝靈運謝封康樂侯表曰昔強臣暴虐恃僭厯
紀既噬五都志吞六合遂陷沒西河傾覆南漢陵藉紀
郢跨越淮泗於時策畫惟疑地險已謝咸懼君臣同泯
有生無餘亡祖奉國威靈董符戎重盡心所事尅黜禍
亂功參盤鼎胙土南服逮至臣身值遭泰路日月改暉

榮落代運輸稅唐化生幸無已不悟天道下濟鴻鈞曲
成乃眷遐績式是興徵分虎紐龜復顯茅土鳴玉拖紱
班景元勲澤洽往德恩覃來膺永惟先蹤遠感崩結豈
臣阤弱所當忝承臣聞至公無私甄善則一皇恩遠被
殊代可侔是以信陵之賢簡在高祖之心望諸之道復
獲隆漢之封觀史歎古欽茲盛美豈謂榮渥近霑微躬
傾宗隕元心識其會酬恩答厚罔知所由 顏延之謝
于竣封建城侯表曰伏見策書降錫息竣開國建城縣

侯爵踰三等戶越兼千生邀洪禮身茂盛世闡宗革聽
盡室改觀誠慙末品誤叅其泰臣聞子之能仕父教之
忠忠教善信臣實負其前誥能仕志政峻固暗於明試
徒以數遇會昌消憂啓聖幸與靈祚福德共從義勲分
賞執珪登朝析金受邑慶重慮愆恩往懼積非臣耄蔽
所任圖報豈峻庸薄所能奉服 梁沈約謝封建昌侯
表曰陛下投袂萬里拯厥塗炭臣雖心不吠堯而跡淪
桀犬此則王業始基臣所不與徒倚日月之私竟無蒸

燭之用天命元鳥非止今日受命作周其來久矣雖復
備數樂推與同謳頌而誠微弱草效闕纖塵遂班山河
之誓叨佐命之賞亦何以慰悅帷幄酬報爪牙

增頌唐呂溫秦叔寶頌曰洛內之役龍戰未決秦公應
變臨陣電拔銳氣盡來我盈彼竭成敗反掌存亡奄忽
虎來風壯鼇轉山沒遂作心膂爰從討伐崩圍陷陣火
迸冰裂翕如鷄聳縱若鯨突功成國定萬古壯骨

增碑周庾信柱國大將軍紇干弘神道碑曰太祖文皇

帝始創霸功初勤王室秣馬蒐乘誓衆太原公仗劒轅
門粗謀當世隨何遠至實釋漢帝之憂許攸夜來即定
曹王之業永熙中奉迎魏武帝入關封鶉陰縣開國子
邑五百戶保定元年授使持節都督岷州諸軍事隴頭
流水延望秦關川上峨眉猶通蜀道公不發私書不燃
官燭獸則相負渡江蟲則相銜出境四年拜大將軍餘
官如故衛青受詔未入玉門之關竇憲當官猶在燕山
之下公之此授差無慚德渾王叛換梗我西疆巖羌首

竄藩籬攜貳公受脤於社偏師遠襲揚旂龍涸繫馬甘
松二十五王靡旗亂轍七十六柵鶻奔雉竄既蒙用命
之賞乃奉旋師之樂天和二年被使南征帶甲百萬舳
艫千里江源水起海若乘流船官之城登巢懸燹吳兵
習流長驅戰艦風灰箭火倏忽凌城公以白羽麾軍朱
絲度水七十餘日始得解衣朝廷以晉尅夏陽先通滅
虢之路秦開武遂始問吞韓之謀是以馳傳追公以為
仁壽城主齊將段孝先斛律明月出軍定隴以為宜陽

之援公背洛水而面熊山陣中軍而疎行首乘機一戰
宜陽銜壁增封五百戶進柱國大將軍 唐德宗西平
王李晟東渭橋紀功碑曰粵若菲德嗣膺大寶化乖柔
遠明不燭幽淮右賊臣提兵犯順晟時總偏師遠戍河
朔曾不俟召聞難駿奔鼓義勇仗順之師吞敗亡稔惡
之寇雄威勝勢疾若飈馳設會軍門哭而誓衆國讎不
滅無以身為遂發感激嗚咽流涕天地為之變色將帥
為之動心乙未陳師於東郊如虎如豹如熊如羆兇徒

接戰累合皆北倒戈棄甲罔敵我師乘而殪之摩壘而
止戊戌方旭連營進攻賊衆相驚股戰魄駭登陴而不
敢拒闔門而不敢窺晟仗鉞啓行執桴親鼓斂隍塹排
牆垣勝氣兆於風雲威聲振於原野指顧摧靡盪無孑
遺布朝旨以寬脅從勵臣節以誅同惡乾軸傾而復紐
皇維弛而更張遷臬聲為好音變妖祲為和氣是知烈
祖積德人懷其深賢臣佐時功濟斯美俾予從乂垂拱
仰成乃冊拜司徒兼中書令加食封一千戶 韓愈平

淮西碑曰九年蔡將死蔡人立其子元濟以請不許遂
燒舞陽犯葉襄城以動東都皇帝歷問於朝一二外臣
皆曰蔡帥之不廷授於今五十年傳三姓四將其樹本
堅兵利卒頑不與他等因撫而有順且無事大官臆決
唱聲萬口附和并為一談牢不可破皇帝曰維天維祖
宗所以付任予者庶其在此予何敢不力況一二臣同
不為無助顏脣武合攻其北道古攻其東南文通戰其
東翹入其西十二年八月丞相度至師都統宏責戰益

急顏肩武合戰益用命十月壬申愬用所得賊將自文
城因天大雪走百二十里用夜半到蔡破其門取元濟
以獻盡得其屬人卒冊功宏加侍中愬為右僕射帥山
南東道顏肩皆加司空公武以散騎常侍帥鄜坊丹延
道古進大夫文通加散騎常侍丞相度朝京師進封晉
國公以舊官相而以其副總為工部尚書領蔡任明
蘇伯衡岐陽王李文忠勲德碑曰王初上謁年未三五
帝曰朕甥鞠於內府訓之迪之允文允武乃命之將統

茲禁旅堅城勅敵一鼓而取維時浙左立國攸恃不有
親賢儔堪付畀乃申王命於斯總制龍節虎符內綏外
禦德威惟畏近德遠企彼昏者張獨罔顧忌水陸入寇
輒歟而去乙巳之春哀厥精銳偏我新城侮我無備邊
吏驚告王曰何畏提兵問罪蹂以突騎鼓噪乘之聲撼
天地譬以我輅轡彼螳臂其車凡萬幾無噍類既覆其
軍遂奪其氣姑蘇之克由是而致姑蘇克矣浙江平矣
溫台慶紹莫不寧矣相彼七閩廓其清矣大軍雲合取

燕京矣帝謂王來成算陞受婉孌元君雖云出走尚聞
假息欲圖進取汝帥汝督往扼其後王辰奉辭行不逮
西烝徒肅肅晏及鷄狗得地得衆易於拉朽或擒或誅
莫匪戎首額額應昌逋逃淵藪不虞我師奄至左右俘
厥孱王以及妃后豈無寶玉亦有璽綬奏凱來朝喜動
宸極都督上公特進柱國鎔金為券以莫不錫 明吳
伯宗江陰侯吳公良神道碑銘曰桓桓吳公剛毅英烈
異才間出萬人之傑天戈義旗飛渡大江爭先鼓勇敵

莫敢當既定金陵亦下京口公俱在行厥績多有江陰
崇墉東南要衝屹若砥柱維公之功姑蘇新附命公綏
靖紀律嚴明大小從命炎荒僻遠命公徂征歷代羈縻
慕義來庭功成汗馬名載竹帛兄弟二人並著開國河
山賜誓列侯疏封慶延後嗣與國無窮王景西平侯
沐公英神道碑曰闔闔寰宇挺生異人依光日月下上
星辰風雲景從發迹海邦遂荒其區遂搯其吭沈沈樞
府我寵居之秩秩皇猷我儀圖之載敷恩澤西涉渭源

載敷國威西上崑崙賀蘭之墟流沙之阻兵不頓刃霆
驅星昴茫茫井絡氣交神州載清載夷投鞭斷流式遏
王誅自爾南彝日月出矣燭火何施天兵一麾仆山摧
壑封其鯨鯢以示大侈頌頌其城大纛高牙萬方攸同
六合一家皇帝曰咨予嘉乃績黃金大帶龜判琮璧

死王事子孫封一

增弟封附

增蜀志曰先主退軍義陽傅彤斷後拒戰兵人多死吳
將語彤令降彤罵曰吳狗豈有漢將軍降者遂戰死拜

其子僉為左中郎將後為關羽都督 魏志夏侯淵虎

步關右所向無前後戰死黃初太和中賜淵子五人皆

爵關內侯 文獻通考曰元和十五年穆宗制武德已

來配享及一等功臣并張巡許遠南霽雲顏真卿杲卿

太尉段秀實與子孫官有差 冊府元龜曰晉高祖天

福二年制曰或無辜被害或徇節忘生既抱沈寃宜申

贈典應自張從賓作亂以來諸色員僚內有死於王事

者並與追贈有子孫者量材敘錄 又曰後周太祖廣

順二年補故控鶴指揮使郭超長男重均充左番殿直
次男重友充右番殿直以父殉王事故也續文獻通
考曰察罕特穆爾字廷瑞北廷人至正中討山東賊為
張士誠所刺追封忠襄王封其子阿嚕威汝陽王 弁
州集曰徐增壽雖文后介弟顧靖難密謀殞命廷闕長
陵祔悼念子名景昌封定國公

增弟封冊府元龜曰開元十五年勅二王後為賓者無
子孫以兄弟為後曾經侍養者聽其承襲若死王事雖

不曾侍養亦聽承襲

死王事子孫封二

增燒殺

諫死

漢書曰趙王反內史王惲相建德諫不聽遂燒殺惲等景帝封惲子乘之建德

子橫皆為侯

又曰楚王反相張

短兵

流矢

冊府元龜

尚諫不聽死景帝封尚子居為侯

曰王君諤為左武衛將軍從太宗征遼東與高麗戰於

駐蹕山君諤先鋒陷陣與賊短兵相接賊以斧鉞擊之

墜馬還卒於營太宗深痛惜之子及善嗣拜朝散大夫

又曰姜確為左屯衛將軍遼東之役以行軍總管督

兵攻蓋牟城中流矢而卒太宗

誅武氏

罵世充

文獻

甚哀悼之子暕嗣拜朝散大夫

通考曰韓王元嘉武后時坐謀舉兵誅武氏遇害訥元

嘉第五子神龍初復嗣爵冊府元龜曰唐武德二年

伊州總管張善相為王世充兵攻陷賊執善相送於世充辭色不撓罵世充極口而死高祖聞而歎曰吾負善相善相不負吾也封其子為襄城郡公

第一勲

始九歲

冊府元龜曰唐高祖義師

平京師義寧二年論功行賞其登京城第一勲授光祿大夫開國郡公雖第一勲而身死者亦准此其官授子弟又曰開元二年王海賓為安豐軍使先鋒與吐蕃戰殂嗣初名訓年始九歲以父死王事拜朝散大夫賜名忠

歿於陣

雪其冤

續文獻通考曰華善巴約持氏父古都斯睿宗時戰歿

於陣贈沈國公華善襲父職又曰托克托出師討賊中毒死御史張冲等雪其冤於是復托克托官爵而封其子哈喇章

而父死焉

刺客害之

左傳曰晉荀瑤率師伐鄭次于桐丘鄭請

救于齊齊師將興陳成子召顏涿聚之子晉曰隰之役而父死焉國之多難未汝恤也今君命汝以是邑也服

車而朝無廢前勞 文獻通考曰中郎將征羌侯來歙
隗囂叛與祭遵等征之十一年攻公孫述破其兵遣刺
客害之帝嘉歙忠節復
封歙弟由為宜西侯
殞命敵場 害於客館冊府元龜

曰代宗大歷十二年詔曰往者大盜亂華梁宋偏罹其
害危城絕援析骸累月南霽雲真心壯節殞命敵場凜
然生氣宜以其子為歙州別駕 又曰建中四年敬長
皇后弟吳淑使於朱泚泚謀逆已決因害淑於客館德
宗聞而哀悼淑
嫡子與正員官 **巢父宣慰** 王璋冊府元龜參軍建中四年李

懷光擁兵河中以給事中孔巢父充宣慰使遇害德宗
聞而驚悼授一子正員官 又曰元和五年以贈給事
王澹之子璋為左清道率府曹參
軍澹因李錡為亂遇害故錄其嗣

死王事子孫封三

增弟封附

原周苛守滎陽死事子成為高景侯

漢書高惠文功臣表云周苛守滎陽

詔項羽死事子

食其死事子疥為高梁共侯

又高祖諸侯功

臣表酈食其以客從破秦以列侯入還定諸侯常使約和諸侯說齊王死事封子疥為高梁共侯

紀

城戰好時死事子通為襄平侯

又高惠帝功臣侯表云紀城以將軍從擊破秦

入漢定三秦功比平定侯戰好時死事子通封為襄平侯

孫印擊匈奴死事子單

為緡侯

又文帝功臣表云孫印以北地都尉匈奴入力戰死事子單封為緡侯

夷吾死

事子周為商陵侯

又景帝功臣表云趙夷吾以楚太傅諫王戊反不聽死事封子周為商陵

侯

繆樂擊南越死事子德為龍侯

又武帝功臣表云繆樂以校尉擊南

越死事封子
廣德為龍侯

增誅成已封汧陽侯

漢書朝鮮傳云朝鮮相路人降道死

右渠之大臣成已又反路人子最告諭其民誅成已最以父死頗有功為汧陽侯

原馬賢父

子同命封孫為侯

東觀漢記順帝紀永和六年十二月詔故將軍馬賢前伐西夷克敵深入

父子三人同命其以漢中南鄭之武陽亭封賢孫承先為武陽亭侯食租稅

龐德罵關羽

死封子為侯

魏志曰龐德為關羽所獲謂曰不早降何為德罵曰豎子何謂降也遂為羽所殺太

祖聞而悲之流涕封其二子為列侯

增弟封擊黑闥戰歿弟封淮陽府

冊

元龜曰淮陽王道元高祖從父兄子也擊劉黑闥戰歿太宗每追痛之嘗從容謂侍臣曰道元始終從朕每陣先登惜其幼少力不遂心及難平後以其弟武都王道明徙封於淮陽國

死王事子孫封四

增制唐元稹授田布魏博節度使制曰經曰父母之仇
不同天雖及匹士猶寢苫枕干以期必報是以子胥不
殉伍奢之死卒能發既藏之墓鞭不義之屍取貴春秋
名垂萬古而況身備將壇父死人手家仇國耻并在一
門當懷嘗膽之心豈佚絕漿之禮咨爾先臣惟國元老
首自河朔來朝帝庭而又東取青齊北討燕趙提挈義
旅勤勞王家冒白刃而不疑推赤心而自信屬冀方求

帥余所重難輒自大名付茲巨鎮而中台暗拆上將妖
侵蝨賊潛寘於腹心豺狼勃興於肘腋人神憤痛朝野
驚嗟深軫予懷誓擒元惡以爾布詩書并習忠孝兩全
常用魏師克征淮孽豈無奮檄之圖為報寇讎之黨爾
其淬礪勇夫敬恭義士一飯之飽必同於士卒一毫之
費必用於戈矛居則席藁寒則抱冰於戲至誠可託稔
惡難逃矧彼凶殘去將安往墨緣在體元纛在前提劔
執金無忘哀敬

錢珣授合州刺史顏薨禮部郎中殿

中侍御史制曰昔太師魯公拘在寇廷渠魁有危迫之
問對以諸侯朝覲之禮直言不屈守正而殁理命之戒
家廟為先賢哉鉅人可謂忠而知禮矣今蒐行高學茂
洪緒有承以禮曹郎命爾用昭遺德且勉令脩

增碑唐德宗贈太尉段秀實紀功碑曰張掖郡王秀實
應期降生扶翼唐祚稟陰陽之粹氣備剛柔之全德蓄
為淳和發為功烈朕宅帝位之五載賊臣朱泚因時多
虞作亂於京師微公之謀吾幾蔑濟既而密結勇敢誓

殲寇讎決策尅期中外發應會賊泚召公計事引入閣
中露其姦情言及僭竊公氣填胃臆植髮銜冠仰天大
呼孰為臣子而忍是心語未絕音奮笏前擊兇徒敗面
既躡而奔左右愕然初未敢動繼者不至事遂無成逆
徒交鋒因而遇害訪彼前人稽諸昔賢全大節者不必
成功建大功者或未立節吉甫以文武翼周室宣王中
興絳侯以智謀安劉氏文皇紹立茂功著矣而節未可
稱董卓協國以擅威伍乎刺之而不畏王敦擁衆以稱

亂周顓折之而無疑奇節偉矣而功竟不就至若屈伸
合變進退知機智以遂其謀勇以決其死中古以還無
公儔比乃詔有司冊贈太尉謚曰忠烈賜實封五百戶
莊宅各一所嗣子授三品正員官諸子各授五品正員
官表其閭里護其喪葬官立祠宇史載忠勲

封功臣後一

增文獻通考曰漢高后二年詔差次列侯功以定朝位
藏於高廟世世勿絕嗣子各襲其功位 魏志曰張遼

字文遠文帝踐阼進封晉陽侯及薨詔曰合肥之役遼以步卒八百破賊十萬自古未之有也其分遼邑賜一子爵關內侯 唐書曰高宗總章元年以太原元從西府功臣為二等第一功後官無五品者授其子若孫一人第二功後官無五品者授其子若孫從六品一人冊府元龜曰睿宗太極元年親祀北郊詔桓彥範敬暉崔元暉袁恕已張柬之等其子孫並實封二百戶 又曰開元二年制曰崔元暉張柬之等往以神龍之初保

又王室奸臣所忌謫居炎海流落變衰感激忠義元暉
子璩清才雅韻謹守專直東之孫逖祖考繼歿遺孤可
傷高皇封樂毅之後武帝求蕭何之裔斯不遠哉緬懷
前烈宜加後命璩逖並可朝散大夫 會要曰元和二
年錄配享功臣之後蘇瓌崔元暉張說狄仁傑敬暉袁
恕已之孫相次錄用焉詔曰旌太傅之德將擬南城之
封紹鄼侯之裔不俟東門之感 冊府元龜曰唐文宗
太和二年詔曰如遂良褚之委曲面諍名垂史書仁傑

狄

之恢復廟社事形先覺宋璟之文吏骨鯁功叅治平

元紘李之守規畫一時成有裕其胄僅存不絕如髮各

授邑吏使其自試 玉海曰慶厯三年命天章閣待制

王洙集賢校理歐陽脩詳定國朝勲臣名次上之詔本

家既無人食祿者錄其子孫一人自樞府使曹彬而下

至邵華凡二百四人 又曰紹興三年詔錄用六朝勲

臣自曹彬至藍元振三百二十人子孫先是徽猷閣待

制宋伯友入對言功臣子孫凋喪殆盡乞訪其後量才

錄用故有是詔其後得趙普趙安仁范質錢若水諸孫

皆官之續文獻通考曰蒙克呼都呼子太宗以其父

功封為郡王吾學編曰桑敬父世傑無為州人洪武

二十三年封徽先伯誥曰朕當羣雄鼎沸之秋提虎旅

東渡大江爾父世傑率舟師來歸由是披堅執銳數著

勤勞既而歿於戰陣已贈侯爵功在國家朕不能忘俾

蒙先業屢從征伐克底成功茲又擒除奸兇豈不彰美

前人特封爾為龍虎將軍上護軍徽先伯

封功臣後二

原無廢二勲

宜宥十世

祖父勲也臧武仲曰苟守先祀無廢二勲敢不致邑乃立

臧為

賢者之後宜

何以勸

不宜絕

楚滅若敖氏子文之孫箴

十世宥之以勸能者

尹克黃使于齊復命拘于司敗王思子文之治楚國曰

子文無後何以勸善使復其所改命曰生詔曰楚思

子文漢錄減宣鍾

為善其懼

見墓遂褒

成季之勲宣孟之忠

繇之後不宜絕

而無後為善者其懼矣注韓厥言趙武

後漢明

帝詔曰朕出東門見蕭曹墓云云遂褒功臣後也

增

慶幽明

起義烈

冊府元龜曰開元十一年南郊大赦詔武德以來實封功臣有身無大故

而亡官失封子孫淪屈者所司勘實具以狀聞存者可酬其官榮逝者當錄其裔嗣使幽明同慶

孔帖曰李

吉甫當國褒忠臣後以起義烈

有一息及二人

孔帖曰張嘉貞卒後十餘歲韓朝宗

見帝曰陛下待宰相進退皆以禮身雖殤子孫咸在廷張嘉貞有一息名寶符獨未官帝憫然召拜左司禦率府兵曹參軍賜名曰延賞又曰貞元中復官張巡它子去疾許遠子峴賜帛百端自是訖僖宗求忠臣後無不及二人

垂裕後昆

追考故實

玉海曰貞觀五年詔曰親賢作屏著在周

經支庶畢侯義存漢典無忌元齡如晦敬德各封一子郡公君集子及叔寶知節各封一子縣公俾拜前拜後比蹤曩烈如帶如礪垂裕後昆
弁州集曰嘉靖時下詔追考故實收錄故鄂國公遇春曹國公文忠衛國公愈信國公和後俱為徹侯誠意伯基後仍為伯增其秩

封功臣後三

原封子寢丘

史孫叔敖子貧負薪優孟即為孫叔敖衣冠抵掌談語像敖莊王大驚以為敖復生

也欲以為相孟曰臣婦言慎勿為相昔孫叔敖為相楚王以霸今死其子無立錐之地莊王於是召敖子封寢

丘四百戶

奉其祀

封父李侯

李同與敢死士三千人赴秦軍秦軍却李同死封其父為李侯

增弓高襄城

漢書云春秋列潞子之爵許其慕諸夏也漢興至於孝文時乃有弓高襄城諸

封雖自外來
本功臣後

封功臣後四

增制唐元稹授李愿檢校司空宣武軍節度使制曰昔

我太師西平王在德宗時能復京邑書於鼎彝每懷宗

廟之安實念江東之永而又繼有英哲克全令人惟弟
惟兄莫非頗牧尚想德施於十代何憚恩積於一門李
愿生長紈綺之中蘊鬱驍雄之器始為夏帥遂著能名
旋領徐方會征淮右鄰寇陰狡將助鷗張來犯東郊冀
延晷刻爾乃提持戈戟淬礪卒徒一戰而蜂蠆盡殲不
時而鶚獍就戮聿來岐下號令益明繕完甲兵為我保
障朕以浚郊重鎮尤藉良材俾為司空以表東夏持我
邦憲用靖爾人 又授劉士涇太僕卿制曰去歲西戎

跳入涇上京師戒嚴朕慨然有思廉頗李牧之志而習
事者言爾父司空之在涇也築平涼等八城二堡塹保
定平原使涇人益樹麥禾以復后稷公劉之教十有六
年犬戎不敢東顧朕聞其人思見其後果有令子與之
討論亦自竒士鋪陳將畧殊有父風訪其班資則曰亞
諸卿之間十年矣今命以太僕豈惟報爾先臣亦欲使
緣邊諸將顧其愛子為我竭誠

增批答唐白居易答劉總謝檢校工部尚書表曰卿幼

承義訓長有令聞能遵忠孝之風不墜弓裘之業朕所以命加異等寵冠常倫特授雙旌超等八座豈惟延賞亦在任能將懋前脩勉申後効

御定淵鑑類函卷一百十九

欽定四庫全書

御定淵鑑類函卷一百二十

封爵部三

德行封
恩澤封

增聖賢裔封附
外戚封
追封

尊賢繼絕封

增子孫貴封附

德行封一

原白虎通曰王者即位先封賢者憂人之急也 又曰
盛德之士封之所以尊有德也 增天中記韋昭辨釋
名公貢也才德兼人貢薦於王而用之也辨曰公直也

取正直無私也孟子正義曰爵位盛大以無私為德者公也又曰斥侯於外以君人為德者侯也風俗通曰伯者長也白也言其咸建五長功實明白也孟子正義曰子字也字養也其德足以養人者故曰子也又曰男任也任安也其德足以安人者故曰男也

德行封二

增聖賢裔封附

原書大傳武王勝殷箕子之朝鮮因以封之 石慶積
行封為牧邱侯 增山堂考索曰張騫封博望侯取其